



湘鄉

蕭智漢雲澤氏纂輯

男秉信明甫氏校

下平聲

七陽

匡氏

魯匡邑宰匡句須之後開封長垣縣西南十里匡邑故城亦屬衛又疑魯別有匡邑廬山託望出晉陽

歷代名賢

周

匡裕字子孝魯匡邑宰句須之後春秋時師柱下史老聃得長生之術兄弟七人同結廬於南障山中修煉周定王嘗問方今神仙之在世者幾何老聃舉五嶽諸仙對裕其一也頃之不見後使使者訪其隱所僅有草廬存焉邦人

姓氏譜

卷七十九

七陽

匡氏

遂呼匡山又曰廬山

匡倩齊人宣王問匡倩曰儒者博乎倩對曰不也博者貴梟勝者必殺梟是殺所貴也以爲害義故不博曰儒者弋乎曰不也弋者從下害於是從下傷君也以爲不義故不弋又問儒者鼓瑟乎曰不也夫瑟以小絃爲大聲以大絃爲小聲是大小易序貴賤易位以爲害義故不鼓也宣王曰善

匡章

齊人威王時秦假道韓魏以攻齊王使章將而應之

與秦交和而舍使者數相往來章變其徽章以雜秦軍候者言章以齊入秦王不應頃問候者復言章以齊兵降秦王不應如此者三有司請曰言章之敗者異人而同辭王何不廢將而擊之王曰此不叛寡人頃聞言齊兵大勝秦兵大敗於是秦王稱西藩之臣而謝於齊左右曰何以知

之日章之母啟得罪其父其父殺之而埋馬棧之下吾使章將也勉之曰夫子全兵而還必更葬將軍之母對曰臣非不能更葬臣之母也臣之母得罪臣之父臣之父未教而死夫不得父之教而更葬母是欺死父也故不敢夫爲人子而不欺死父豈爲人臣欺生君哉

**漢**

**匡衡**字稚圭東海承人也父世農夫至衡好學家貧庸作以供資用尤精力過絕人諸儒爲之語曰無說詩匡鼎來匡說詩解人頤衡射策甲科以不應令除爲太常掌故調補平原文學學者多上書薦衡經明當世少雙今爲文學就官京師後進皆欲從衡平原衡不宜在遠方事下太子太傅蕭望之少府梁邱賀問衡對詩諸大義其對深美望之奏衡經學精習說有師道可觀覽宣帝不甚用儒遺衡

**氏姓譜**

**卷七十九**

七陽

匡氏

二

歸官而皇太子見衡對私善之會宣帝崩元帝初卽位樂陵侯史高以外屬爲大司馬車騎將軍領尚書事前將軍蕭望之爲副望之名儒有師傅舊恩天子任之多所貢薦高充位而已與望之有隙長安令楊興說高曰將軍以親戚輔政貴重於天下無二然衆庶論議令問休譽不專在將軍者何也彼誠有所聞也以將軍之莫府海內莫不仰望而所舉不過私門賓客乳母子弟人情以不自知然一夫竊議語流天下夫富貴在身而列士不譽是有狐白之裘而反衣之也古人病其若此故卑體勞心以求賢爲務傳日以賢難得之故因曰事不待賢以食難得之故而曰飽不待食或之甚者也平原文學匡衡材智有餘經學絕倫但以無階朝廷故隨牒在遠方將軍誠召至莫府學士歛然歸仁與參事議觀其所有貢之朝廷必爲國器以此

顯示衆庶名流於世高然其言辟衡爲議曹史薦衡於上  
上以爲郎中遷博士給事中是時有日蝕地震之變上問  
以政治得失衡上疏稱旨遷光祿大夫太子少傅時上好  
儒術文辭頗改宣帝之政言事者多進見人人自以爲得  
上意爲少傅數年數上疏陳便宜及朝廷有政議傳經以  
對言多法義上以爲任公卿由是爲光祿勳御史大夫建  
昭三年代韋元成爲丞相封樂安侯食邑六百戶元帝崩  
成帝卽位衡上疏戒妃匹勸經學威儀之則曰陛下乘至  
孝哀傷思慕不絕於心未有游虞弋射之宴誠隆於慎終  
追遠無窮已也竊願陛下雖聖性得之猶復加聖心焉詩  
云芟蕘在疚言成王喪畢思慕意氣未能平也蓋所以就  
文武之業崇大化之本也臣又聞之師曰妃匹之際生民  
之始萬福之原婚姻之禮正然後品物遂而天命全孔子

氏姓譜

卷七十九

七陽

匡氏

三

論詩以闕睢爲始言太上者民之父母后夫人之行不侔  
乎天地則無以奉神靈之統而理萬物之宜故詩曰窈窕  
淑女君子好仇言能致其貞淑不貳其操情欲之感無介  
乎容儀宴私之意不形乎動靜夫然後可以配至尊而爲  
宗廟主此綱紀之首王教之端也自上世以來三代興廢  
未有不由此者也願陛下詳覽得失盛衰之效以定大基  
采有德戒聲色近嚴敬遠技能竊見聖德純茂專精詩書  
好樂無厭臣衡材駑無以輔相善義宣揚德音臣聞六經  
者聖人所以統天地之心著善惡之歸明吉凶之分通人  
道之正使不悖於其本性者也故審六藝之指則天人之  
理可得而和草木昆蟲可得而有此永永不易之道也及  
論語孝經聖人言行之要宜究其意臣又聞聖王之自爲  
動靜周旋奉天承親臨朝享臣物有節文以章人倫蓋欲

翼祇栗事天之容也温恭敬遜承親之禮也正躬嚴恪臨衆之儀也嘉惠和說饗下之顏也舉錯動作物遵其儀故形爲仁義動爲法則孔子曰德義可尊容止可觀進退可度以臨其民是以其民畏而愛之則而象之大雅云敬慎威儀惟民之則諸侯正月朝覲天子天子惟道德昭穆穆以視之又觀以禮樂饗醴迺歸故萬國莫不獲賜祉福蒙化而成俗今正月初幸路寢臨朝賀置酒以饗萬方傳曰君子慎始願陛下留神動靜之節使羣下得望聖德休光以立基楨天下幸甚上敬納其言頃之衡復奏正月北郊罷諸淫祀初元帝時中書令石顯用事自前韋元成及衡皆畏顯不敢失其意至成帝初卽位衡迺與御史大夫甄譚共奏顯追條其舊惡並及黨與於是司隸校尉王尊劾奏衡譚居大臣位知顯等專權勢作威福爲海內患害而

氏姓譜

卷七十九

七陽

臣氏

四

阿諛曲從附下罔上無大臣輔政之義旣奏顯等不自陳不忠之罪而反揚著先帝任用傾覆之徒罪至不道有詔勿劾衡慙懼上疏謝罪因稱病乞骸骨上丞相樂安侯印綬上報曰君以道德修明位在三公先帝委政遂及朕躬君遵修法度勤勞公家朕嘉與君同心合意庶幾有成今司隸校尉尊妄詆欺加非於君朕甚閔焉方下有司問狀君何疑而上書歸侯乞骸骨是章朕之未燭也傳不云乎禮義不愆何恤人之言君其察焉專精神近醫藥強食自愛因賜上尊酒養牛衡起視事上以新卽位衰優大臣然羣下多是王尊者衡嘿嘿不自安每有水旱風雨不時連乞骸骨讓位上輒以詔書慰撫不許久之衡子昌爲越騎校尉醉殺人繫詔獄越騎官屬與昌弟且謀篡昌事發覺衡免冠徒跣待罪天子使謁者詔衡冠履有司奏衡專地

盜土衡竟坐免初衡封僅之樂安鄉鄉本田隄封三千一百頃南以閩佰爲界初元元年郡圖誤以閩佰爲平陵佰積十餘歲衡封臨淮郡遂封眞平陵佰以爲界多四百頃至建始元年郡乃定國界上計簿更定圖言丞相府衡謂所親吏趙殷曰主簿陸賜故居奏曹習事曉知國界署集曹掾明年治計時衡問殷國界事曹欲奈何殷曰賜以爲舉計令郡實之恐郡不肯從實可令家丞上書衡曰願當得不耳何至上書亦不告曹使舉也聽曹爲之後賜與屬明舉計曰案故圖樂安鄉南以平陵佰爲界不足故而以閩佰爲界解何郡卽復以四百頃付樂安國衡遣從史之僅收取所還田租穀千餘石入衡家司隸校尉駿少府忠行廷尉事劾奏衡監臨盜所主守直十金以上春秋之義諸侯不得專地所以壹統尊法制也衡位三公輔國政領

氏姓譜

卷七十九

七陽

匡氏

五

計簿知郡實正國界計簿已定而背法制專地盜土以自益及賜明阿承衡意猥舉郡計亂滅縣界附下罔上擅以地附益大臣皆不道於是上可其奏勿治丞相免爲庶人終於家子咸亦明經歷位九卿家世多爲博士者

南北朝

母所字令先廬陵人有至性隱金華山服食不與俗人交母病亡已經日所奔還號叫母卽蘇人以爲孝感所致云

唐

長安人唐貞觀間棄妻子與姪大郎適廬山修道居

七日有老人曰廬山陰地仙不可得南有名山陽地可住居之乃至吉州望見義山其山神化爲樵夫引入山中曰此處安穩遂立壇修行數年忽有仙衣降智服之但見足下雲生上昇而去

**元** **匡國政** 建武軍節度副使才之子也爲歸德府判官母病  
剖肝以進病愈旣而復病又剝胸和藥愈之及卒廬墓終  
喪延祐中旌表

**明**

**匡忠** 字體道號仁齋滑縣人世業醫嘗起危殆之疾不責  
人之報以長厚稱忠幼讀儒書甫冠卽開門授徒篤於孝  
友恩義兼至晚年以家事付子愚優游鄉里以詩酒自娛  
卒年八十二

**匡又貞** 石門人永樂初由歲貢舉人才第一任四川羅江  
縣政績茂著擢禮部精膳司郎中歷陞侍郎祀鄉賢  
**匡鏞** 山東膠州人隆慶四年由進士任新鄭明果能斷公  
廉有威擢給事中

氏姓譜

卷十九

七陽

匡氏

六

歷代列女

**匡氏** 雒陽人董雄妻生二子長威方四歲次武甫半週雄  
病且篤嘆謂匡曰我且死若肯善撫二稚乎不則任所適  
匡泣曰生則同室死則同穴矧有子可持安敢有他雄沒  
匡竟節完二孤亦克成立成化九年旌表

**匡氏** 吳朝瑤妻年二十夫沒遺腹生子正笏矢志守節門  
閭蕭然紡績自膳教子成名復天撫兩孤孫苦節三十三  
年而卒

**桑氏**

嬴姓秦大夫子桑之後也公孫枝字子桑以字爲氏望  
出宋城黎陽通志云以王父字爲氏者公子之爲王父  
者也今公孫枝之後亦用公孫字爲氏

歷代名賢

事景公景公十九年公夢大厲被髮及地搏膺而  
歸曰殺余孫不義余得請於帝矣壞大門及寢門而入公  
懼入於室又屢戶公覺名桑田巫巫言如夢公曰何如曰  
不食薪矣六月公欲麥使甸人獻麥饋人爲之名桑田巫  
示而殺之將食張如廁陷而卒小臣有晨夢負公以登天  
及日中負公出諸廁遂以爲殉

爲御史大夫武帝時領大農盡管天下鹽鐵

字君長河南人嘗受毛詩於塗惲世傳水經三卷爲  
欽所撰

氏姓譜

卷七十九

七陽

桑氏

七

字子深魏郡黎陽人也父冲有深識遠量惠帝時爲

黃門郎河間王顛執權引爲司馬冲知顛必敗就職一旬  
便稱疾求退虞仁孝自天至年十四喪父毀瘠過禮日以  
米百粒用糝藜藿其姊諭之曰汝毀瘠如此必至滅性滅  
性不孝宜自抑割虞曰藜藿雜米足以勝哀虞有園在宅  
北數里瓜果初熟有人踰垣盜之虞以園援多棘刺恐偷  
見人驚走而致傷損乃使奴爲之開道及偷負瓜將出見  
道通利知虞使除之乃送所盜瓜叩頭請罪虞乃歡然盡  
以瓜與之嘗行寄宿逆旅同宿客失脯疑虞爲盜虞默然  
無言便解衣償之主人曰此舍數失魚肉雞鴨多是狐狸  
偷去君何以疑人乃將脯主至山冢間尋求果得之客求  
還衣虞投之不顧虞諸兄仕於石勒之世咸登顯位惟虞  
恥臣非類陰欲避地海東會丁母憂遂止哀毀骨立廬於  
墓側五年後石勒以爲武城令虞以密邇黃河去海微近

將申前志欣然就職石季龍太守劉徵甚器重之徵遷青州刺史請虞爲長史帶祝阿郡徵遇疾還鄴令虞監行州府屬季龍死國中大亂朝廷以虞名父之子必能立功海岱潛遣東莞人華挺授虞寧朔將軍青州刺史虞曰功名非吾志也乃附使者啟讓刺史靖居海右不交境外雖歷僞朝而不豫亂世以此高之卒於官虞五世同居閨門豈穆符堅青州刺史符朗甚重之嘗詣虞家升堂拜其母時人以爲榮

唐

桑道茂寒人失其糸望善太乙遁甲術乾元初官軍圍安慶緒於相州勢危甚道茂在圍中密語人曰三月壬申西師潰至期九節度兵皆敗後名待詔翰林建中初上言國家不出三年有厄會奉天有王氣宜高垣堞爲王者居使

氏姓譜

卷七十九

七陽

桑氏

八

可容萬乘者德宗素驗其數詔京兆尹嚴郢發衆數千及神策兵城之時盛夏趣功人莫知其故及朱泚反帝蒙難奉天賴以濟李晟爲右金吾大將軍道茂齎一縑見晟再拜曰公貴盛無比然我命在公手能見赦否晟大驚不領其言道茂出懷中一書自具姓名署其左曰爲賊逼脅固請晟判晟笑曰欲我何語道茂曰第言準狀赦之晟勉從已又以縑願易晟衫請題衿膺曰它日爲信再拜去道茂果汙朱泚僞官晟收長安與逆徒縛旗下將就刑出晟衫及書以示晟爲奏原其死是時藩鎮擅地無寧時道茂曰年號元和寇盜翦滅矣至憲宗乃驗道茂居有二柏甚茂曰人居而木蕃者去之木盛則土衰土衰則人病乃以鐵數十鈞埋其下復曰後有發其地而死者太和中溫造居之發藏鐵而造死杜佑與楊炎善盧杞疾之佑懼以問道

茂答曰君歲中補外則福壽叵涯矣俄拜饒州刺史後終司徒李泌病道茂署於紙曰厄三月二日就饗國與家吉而身危會中和日泌雖篤彊入德宗見泌不能步詔歸第卒是日北軍謀亂仗士禽斬之李鵬爲盛唐令道茂曰君位止此而冢息位宰相次息亦大鎮子孫百世鵬卒後石至宰相福歷七鎮諸孫通顯云

五代

字國僑河南人也爲人醜怪身短而面長嘗臨鑑以自奇曰七尺之身不如一尺之面慨然有志於公輔初舉進士主司惡其姓以爲桑喪同音人有勸其不必舉進士可以從佗求仕者維翰慨然乃著日出扶桑賦以見志又鑄鐵視以示人曰視弊則改而佗仕卒以進士及第晋高祖辟爲河陽節度掌書記其後常以自從高祖自太原

氏姓譜

卷七十九

七陽

桑氏

九

徙天平不受命而有異謀以問將佐將佐皆恐懼不敢言獨維翰與劉知遠贊成之因使維翰爲書求援於契丹耶律德光已許諾而趙德鈞亦以重賂啖德光求助已以篡唐高祖懼事不果乃遣維翰往見德光爲陳利害甚辯德光意乃決卒以滅唐而興晋維翰之力也高祖卽位以維翰爲翰林學士禮部侍郎知樞密院事遷中書侍郎同中書門下平章事兼樞密使天福四年出爲相州節度使歲餘徙鎮泰寧吐渾白承福爲契丹所迫附鎮州安重榮以歸晋重榮因請與契丹絕好用吐渾以攻之高祖重違重榮意未決維翰上疏言契丹未可與爭者七高祖召維翰使者至臥內謂曰北面之事方撓吾胸中得卿此疏計已決矣可無憂也維翰又勸高祖幸鄴都七年高祖在鄴維翰來朝徙鎮晋昌出帝卽位各拜侍中而景延廣用事與

契丹絕盟維翰言不能入乃陰使人說帝曰制契丹而安天下非用維翰不可乃出延廣於河南拜維翰中書令復爲樞密使封魏國公事無巨細一以委之數月之間百度澆理初李瀚爲翰林學士好飲而多酒過高祖以爲浮薄天福五年九月詔廢翰林學士按唐六典歸其職於中書舍人而端明殿學士樞密院學士皆廢及維翰爲樞密使復奏置學士而悉用親舊爲之維翰權勢旣盛四方賂遺歲積鉅萬內客省使李彥韜端明殿學士馮玉用事共讒之帝欲驟黜維翰大臣劉昫李崧皆以爲不可卒以玉爲樞密使旣而以爲相維翰日益見疎帝飲酒過度得疾維翰遣人陰白太后請爲皇弟重睿置師傅帝疾愈知之怒乃罷維翰以爲開封尹維翰遂稱足疾稀復朝見契丹屯中渡破樂城杜重威等大軍隔絕維翰曰事急矣乃見馮

氏姓譜

卷七十九

七陽

桑氏

十

玉等計事而謀不合又來見帝帝方調鷹於苑中不暇見維翰退而歎曰晉不血食矣自契丹與晉盟始成於維翰而終敗於景延廣故自兵興契丹凡所書檄未嘗不以此兩人爲言耶律德光犯京師遣張彥澤遺太后書問此兩人在否可使先來而帝以維翰嘗議毋絕盟而已違之也不欲使維翰見德光因諷彥澤圖之而彥澤亦利其背產維翰狀貌旣異素以威嚴自持晉之老將大臣見之無不屈服彥澤以驍悍自矜每往候之雖冬月未嘗不流汗初彥澤入京師左右勸維翰避禍維翰曰吾爲大臣國家至此安所逃死邪安坐府中不動彥澤以兵入府問維翰何在維翰厲聲曰吾晉大臣自當死國安得無禮邪彥澤股栗不敢仰視退而謂人曰吾不知桑維翰何如人今日見之猶使人恐懼如此其可再見乎乃以帝命召維翰維翰

行過李崧立馬而語軍吏前白維翰請赴侍衛司獄維翰知不免顧崧曰相公當國使維翰獨死崧慙不能對是夜彥澤使人縊殺之以帛加頸告德光曰維翰自縊德光曰我本無心殺維翰維翰何必自致德光至京師使人檢其尸信爲縊死以尸賜其家而貲財悉爲彥澤所掠

**宋**

**桑懌**雍州人有勇畧狀貌不逾中人與人接恂恂若不出口卒遇之不知其勇且健也兄慥登進士有名懌再舉不中嘗遭大水有粟二廩將以舟載粟見百姓走避水遂以舟載之歲飢聚人共食其粟粟盡而止後徙居汝潁間耕龍城廢田以自給諸縣多盜自請補耆長得往來察姦因名里中惡少戒曰盜不可爲吾不汝容也盜爲之歛臂之邾城遇捕盜尉拍懌飲酒與俱行尉怯至賊所陽爲不知

**氏姓譜**

**卷之九**

七陽 桑氏

七

懌謂賊在此欲伺之因下馬格殺數人盡縛以還轉運使奏補邾城尉移澠池有宿盜王伯尤爲民害保青灰山懌挺身入招出至山口巡檢伏兵邀之懌卽以伯與巡檢使自爲功朝廷知之爲黜巡檢遷懌右班殿直明道末京西旱蝗有劇盜二十三人密院名懌授以賊名令往捕至則閉柵示以怯戒軍吏不得輒出懌與數卒夜變爲盜服蹤跡所嘗行處皆得其實明日部分軍士盡擒之無一脫者會宜州蠻叛遣懌往捕以功授閭門祇候寶元初遷西頭供奉官廣西駐泊都監元昊反參政宋庠薦其勇畧遷內殿崇班鄜延路兵馬都監踰月徙涇原路屯鎮戎軍與任福戰死贈解州防禦使錄子湜皇城使

**桑澣**宣德郎守尙書都官員外郎知縣事兼兵馬都監管勾塘岸公事騎都尉

安世 哲宗時知榆次縣勸課農桑教民務本嘗引澗河水曲折數十里溉民田彌久不竭

明

桑世傑 無爲人亦自巢湖來歸趙普勝有異志世傑發其謀普勝逸去從渡江以舟師破元水軍授秦淮翼元帥下鎮江徇全壇丹陽攻寧國長槍諸軍克水陽平常州判行樞密院事畧地江陰宜興初石牌民朱定販鹽無賴與富民趙氏有隙遂告變滅趙氏授江陰判官尋復爲盜元遣兵捕之定聞張士誠據高郵乃導士誠由通州渡江遂陷平江以定爲參政而遣元帥樂瑞戍石牌及大兵旣取江陰瑞尙據石牌導舟師往來大祖命廖永安世傑擊之世傑力戰死瑞亦降張氏窺江路絕太祖念其功贈安遠大將軍輕車都尉永義侯侑享太廟子敬以父死事累官都

氏姓譜

卷七十九

七陽

桑氏

主

督府簽事洪武二十三年封徽先伯歲祿千七百石予世券明年同徐輝祖等防邊尋令屯軍平陽坐藍玉黨死

喬

字子木江都人嘉靖十一年進士十四年冬由主事

改御史出按山西所部頻寇躡喬奏請盡蠲猺賊厚恤死者家參將葉宗等將萬人至荆家莊陷賊伏中大潰賊遂深入天城陽和兩月間五遭寇巡撫樊繼祖總兵官魯綱以下皆爲喬劾副將李懋及宗等六人並逮治十六年夏雷震謹身殿下詔求言喬偕同官陳三事畧言營造兩宮山陵多侵冒吉囊恣橫邊備積弛而未言陛下遇災而懼下詔修省修省不外人事人事無過擇官尙書嚴嵩及林庭楫張瓚張雲皆上負國恩下乖輿望災變之來由彼所致疏奏四人皆乞罷詔庭楫雲致仕留嵩瓚如故嵩再疏辨且詆言者給事中胡汝霖言大臣被論引罪求退而已

嵩負穢行名物議逞辭奏辨陰擠言官無大臣體帝下詔  
戒飭如汝霖指時嵩拜尚書甫半歲方養交遊揚聲譽爲  
進取地舉朝猶未知其奸喬獨首發之喬尋巡按畿輔引  
疾都御史王廷相以規避劾之嵩因構其罪逮下詔獄廷  
杖戍九江居戍所二十六年而卒隆慶初贈恤如制

**梁**字民懌常熟人性怪妄以才名吳中書過目輒焚棄  
曰已在吾腹中矣敢爲大言以孟子自况或問翰林文章  
曰虛無人舉天下惟悅其次祝允明又次羅玘爲諸生上  
謁監司曰江南才子監司大駭延之較書預刊落以試悅  
文義不屬者索筆補之年十九舉成化元年鄉試試春官  
答策語不雅馴被斥三試得副榜年二十餘耳年籍誤二  
爲六遂除泰和訓導學士邱濬重其文屬學使者善遇之  
使者至問悅不迎豈有恙乎長吏皆銜之曰無恙自負才

式姓譜

卷七十九

七陽

梁氏

七

名不肯謁耳使者遣吏召不至益兩使促之悅怒曰始吾  
謂天下未有無耳者今乃有之與若期三日後來瀆則不  
來矣使者恚欲收悅緣濬故不果三日來見長揖使者使  
者怒悅脫帽竟去使者下階謝乃已遷長沙通判調柳州  
會外艱歸遂不出居家益狂誕鄉人莫不重其文而駭其  
行初悅在京師見高麗使臣市本朝兩都賦無有以爲恥  
遂賦之居長沙著庸言自以爲窮究天人之際所著書頗  
行於世

**梁**日昇

字木生零陵人父愈高醇行厚德日昇性穎而介  
讀書暢達檢行修潔孝親之心寤寐莫釋有貸其金不能  
償者日昇稟於父遂焚其券弱冠爲庠生治舉于業不襲  
時艷治古文詞不尙浮靡然公不以此爲長惟求仁慕義  
欲效古人雅與恭節陳先生善又見推於萬吉人司李壬

午舉于鄉制行如平時不干當道以私後世亂鄉居讀周子太極通書詳爲解釋又注疏易經皆別有確見不屑陳言公一生精意全在此數書年七十二卒于八人咸恒復益晋萃皆庠生頤節皆業儒孫十有三人

**梁俞高**字道升零陵庠生家貧治父喪不責諸弟季弟孤力爲婚娶居鄉恭敬人有忿語婉言諭之甚則垂涕泣道之俾不至名訟釁有友李應楨仇家誣以故斃人命告楨獲罪邑長持之以法索千金乃受成贖皆出公手年踰強始舉子日昇乳於陶氏婦其夫爲縣吏陳道文酗酒死成訟其母老妻弱子且稚也白其情邑侯朱汝登但讓道文輸三十金給以養母厥子夢死者叩首庭下謝天啟甲子歲大饑野庾多掠洗公亦與焉耕僕舉某某以告是年子昇爲諸生謂妻曰公有一子幸成人今又游於泮苟有失

氏姓譜

卷七十九

七陽

梁氏

齒

將貽戚我後也妻然之閱月他訟發却庾者斃於獄公曰若使是人自我而斃予悔何及也庚午鄉試歸饒某城步人同舟患疲劇甚子然一身也公素嫻醫手劑藥餌以進其子曰藥雖劑無事公炊公曰不然委之蒼頭恐無益也饒某愈泣別呼天以謝年七十六日昇領壬午鄉薦先是元旦公不憚夜將闌其子跪以請曰疇昔之夜予禱夢以決今歲之大比不協曰何以曰爾上庠也余夢揭一榜於零庠注優劣名余名在優中爾無與子是以不憚然也曰吉甚凡人家子孫昌大必由祖父積德所致翁厠名德行何吉如之公曰善是歲果登榜公壽七十九卒嘗曰平生無他長兢兢自守至於色則不敢有二暮年言及父母猶泣下食遇旨輒舉箸思及親里中學者私諡曰端學先生

梁璠

字廷瓚弱冠舉於鄉不第遷温州通判爲治尙寬每

風月佳霽必出遊遊必有篇咏有吟窗選粹檢齋集

**桑** 無爲人洪武中掌海南衛印歷十年愛軍恤民創建海口三所城池廣人至今稱之

**桑** 指揮敏於政事上下交稱天順間大壩山都掌叛總兵官李瑾討之盛率偏將以從累畫進止方畧僅接以殊禮間用其言無往不捷以功陞都指揮僉事守備永寧等四衛邊務漸序不試五兵卒於官

**桑** 字廷貢號鶴溪孝友淳篤勤於儒業尤注意於詩寫情咏物援筆立成所著有蔗鄉雜咏鶴溪集于悅

歷代列女

**桑** 號月窟嘉禾人周履靖繼室也著香奩集一卷茅鹿門爲之序

**桑氏** 如臯桑大定之女也正德間適吳柏年十九而柏亡氏姓譜 卷七十九 七陽 桑氏 五

時有娠而舅姑老且孱薄有貲產族人睥睨其間欲圖嫁之桑峻拒曰舅姑在堂血孕在腹妾何之越半載生子軒族人故疑而索觀桑抱示之曰此男也自後卽不令族見虞有意外逮長爲娶婦生五子而軒又歿桑育諸孫耕讀各俾就業年八十二萬歷初卒

**桑氏** 零陵庠生桑梓之女也適陳三聘年二十餘孀居無子翁姑年且老事之甚謹誓不嫁撫一子以繼祀家又貧皆氏經營爲日食計卒年七十餘

**桑氏** 內黃人張鳳翼妻也鳳翼甫遊泮卽逝桑年二十二會志苦節撫遺孤中侯領壬午鄉薦年五十而終萬歷十七年旌表

莊氏

芊姓楚莊王之後以諡爲氏望出會稽東海

周

**周蒙**人也嘗為蒙漆園吏與梁惠王齊宣王同時其學無所不闕然其要本歸於老子之言故其著書十萬餘言大抵率寓言也作漁父盜跖胠篋以詆訾孔子之徒以明老子之術畏景虛亢桑子之屬皆空語無事實然善屬書離辭指事類情用剽剝儒墨雖當世宿學不能自解免也其言洗洋自恣以適己故自王公大人不能器之楚威王聞莊周賢使使厚幣迎之許以為相莊周笑謂楚使者曰千金重利卿相尊位也子獨不見郊祭之犧牛乎養食之數歲衣以文繡以入太廟當是之時雖欲為狐豚豈可得乎于亟去無污我我寧游戲污瀆之中自快無為有國者所羈終身不仕以快吾志焉莊子病劇弟子對之泣應曰

氏姓譜

卷七十九

七陽

莊氏

夫

我今死則誰先更百年生則誰後必不得免何貪於須臾  
**莊威**王命為將軍畧地滇池會秦擊楚道絕因自王於滇索隱贊曰西南外徼莊蹻始通勞浸靡莫異俗殊風及置郡縣萬代推功

**齊宣**王臣見孟子

楚人以白公之難辭其母將往死之其母曰棄親而死君可謂義乎善曰吾聞事君者內其祿而外其身今所以養母者君之祿也身安得無死乎遂辭行比至公門三廢車中其僕曰子懼矣曰懼何不返莊善曰懼者吾私也死義者吾公也君子不以私害公遂及門刎頸而死

仕於楚貴列上卿楚王曰烏越之鄙人今富貴矣亦思故鄉否使人聽之乃為越吟

楚人事頃襄王謂王曰君王左州侯右夏侯輦從馭

陵君與壽陵君專淫逸侈靡矣王曰先生老悖乎將以爲  
楚國妖祥乎辛曰臣誠見其必然也君王卒幸四子者不  
衰楚國必亡矣臣請避於趙淹留以觀之辛去之趙留五  
月秦果舉鄢郢巫上蔡陳之地王流桡於成陽使人發騶  
徵辛於趙辛至王曰寡人不能用先生之言今事至此爲  
之奈何辛對曰臣聞鄙語曰見兔而顧犬未爲晚也亡羊  
而補牢未爲遲也臣聞昔湯武以百里昌桀紂以天下亡  
今楚國雖小絕長續短猶以數千里豈特百里哉王獨不  
見夫蜻蛉乎六足四翼飛翔乎天地之間俛啄蚊蚋而食  
之仰承甘露而飲之自以爲無患與人無爭也不知夫五  
尺童子方將調飴膠絲加已乎四仞之上而下爲螻蟻食  
也黃雀因是以俯啣白粒仰棲茂樹鼓翅奮翼自以爲無  
患與人無爭也不知夫公子王孫左挾彈右攝丸將加已

氏姓譜

卷七十九

七陽

莊氏

七

乎十仞之上以其類爲指畫遊乎茂樹夕調乎酸鹹倏忽  
之間墜於公子之手夫雀其小者也黃鵠因是以游乎江  
海淹乎大洛俯啣鱖鯉仰嚙葭蘆奮其六翮而凌清風飄  
搖乎高翔自以爲無患與人無爭也不知夫射者方將修  
其罾盧治其矰繳將加已乎百仞之上被劉磻引微繳折  
清風而耘矣故晝游乎江河夕調乎鼎鼐夫黃鵠其小者  
也蔡靈侯之事因是以南游乎高陂北陵乎巫山飲茹溪  
之流食湘波之魚左抱幼妾右擁嬖女與之馳騁乎高蔡  
之中而不以國家爲事不知夫子發方受命乎靈王繫已  
以朱絲而見之也蔡靈侯之事其小者也君王之事因是  
以左州侯右夏侯輦從鄢陵君與壽陵君飯封祿之粟而  
載方府之金與之馳騁乎雲夢之中而不以天下國家爲  
事而不知夫穰侯方受命夫秦王填黽塞之內而投已乎

龜塞之外襄王聞之色變體慄乃以執珪授之爲陽陵君與淮北之地

**漢**

**莊君平** 夷堅志云福有道人嘗見老叟同室歲餘告之曰吾乃漢莊君平也取一書授之天明叟出不歸視其書皆修身度世之說今但記其語云事業與功名不直一杯水又云獨立秋江水

**莊助** 才士帝召同東方朔司馬相如朱買臣等常在帝之左右

**宋**

**莊曷** 字子禮泉州人淳熙中進士知興國縣後累官兵部侍郎煥章閣待制累上書言事皆切時政史稱其負有爲之才

**氏姓譜**

**卷七十九**

七陽

莊氏

大

**莊方** 字邦直晉江人隆興初登第知富沙有異政陞知韶州政尚廉靖

**莊壬** 字子中惠安人嘉定進士尉永嘉搃寇掠境憲司符夜至壬謂白郡待命則緩兵亟發卒擒之上功於府守怪不先白將斬之壬不爲動守意解榜令拜壬掛衣而去終海豐令

**莊徽** 字彥猷江都人知平江府朱勔窺視州縣官吏徽獨不少假借勔深畏憚不敢讒

**莊柔正** 莆田人元符間知福清嘗改築天寶陂陂之旁有大榕柔正日聽訟其下以董役凡投牒者人負一石理之曲者輸石以贖罪陂疊石爲基而計鐵以錮之數月訖工改名元符陂

**莊不岳** 惠安人嘉祐四年進士歷秘書吏部右侍郎元祐

初上疏極諫時事璽書褒答有願惟忠蓋深所歎嘉之語  
**莊元節**字德修晉江人以蔭補承務郎推臨安府通判知  
吉安州有惠政除軍器監丞輪對首以進德修業爲言見  
彌堅登進士爲編修官弟彌大刑部郎中

**莊大成**永福人年七歲通書經紹興間舉童子科淳熙中  
詔舉賢良有司以大成應詔

**元**

**莊文昭**至正間爲南陽府尹勸耕興學通水利置義倉教  
行民富

**明**

**莊鑑**遼東人天順中襲定遼右衛指揮使驍猛有膽決遇  
賊輒奮數有功累官都督僉事掌左府宏治十一年佩鎮  
將軍印鎮宣府以才與大同總兵官張俊易鎮兵部侍郎

氏姓譜

卷七十九

七陽

莊氏

九

熊繡奏其經畫功進都督同知著功北邊時稱名將

**莊鼇**字任公晉江人崇正六年由庶吉士改兵科給事  
中上太平十二策極論東廠之害忤旨貶浙江布政司照  
磨後鼇獻事福王復官久之卒

**莊子固**字憲伯遼東人年十三殺人亡命後從軍有功積  
官至參將嘗從山西總兵許定國救開封軍半道謀歸定  
國獲罪子固輯餘衆得免議史可法出鎮用爲副總兵俾  
與屯於徐州歸德間子固募壯士七百人以赤心報國爲  
號聞揚州被圍率衆馳救三日而至城將破欲擁可法出  
城遇

大清兵格鬪死

**莊觀**歙縣人英敏篤學歷官國子學正薦陞陝西按察司

僉事提督學校有方進陞本司副使致仕卒

**莊濟翁** 晉江人 洪武四年知寧都縣勸農興學雖閭巷小學師生亦令朔望赴邑庠講解所習遠近聞風而化又懲豪猾均賦役修陂堰造梅川橋民感其惠

**莊得** 建文末隸宋忠麾下懷來之戰惟得一軍得全盛庸戰夾河得力戰助庸斬譚淵已而靖難兵勁騎乘暮掩擊得力戰死

**莊敬** 宿州人永樂間由國子生歷河南左參政蒞政嚴明臨事果決子弟不衣羅綺宅舍皆以茅覆洪熙改元上疏乞休特陞河南左布政使致仕賜金荔枝帶乘傳歸

**莊昇** 字景暘成都衛人登柯潛榜進士任御史其先莆田人也昇賦性專篤家貧苦志嘗惡士寡廉節故居官飭躬循介尋陞山東僉事有先任者卒於官遺金數百瘞坑中其僕戲掘之以歸昇遣人乘傳追先任者之子悉歸之尋

氏姓譜

卷七十九

七陽

莊氏

字

卒於官弱子扶櫬歸蜀甚貧

**莊轍** 字中輿上元人進士爲秀水令正統初擢知蘄州廉介仁惠百務具興民樂於從事劇盜逼境民有被殲者極爲優恤咸愛戴之

**莊伯和** 龍溪人正統十四年爲鄧茂七賊黨所獲至赤嶺賊首張永睡欲脅使之從伯和憤罵曰汝等不顧天理不懼國法而悖逆如此我爲聖朝良民安肯從汝賊邪賊見其仗義不忍殺拘之三日仍迫以威伯和罵益甚遂受戮

**莊敏** 字廷功晉江人正統進士任吏科給事中骨鯁立朝論諫務存大體出守雷州威儀嚴重喜怒不形人不見其有爲而事無不治尤注意於學校

**莊景** 字孔暘江浦人自幼豪邁不羣嗜古博學舉成化二年進士改庶吉士授翰林檢討與編修章懋黃仲昭疏諫

內廷張燈忤旨廷杖二十謫桂陽州判官尋以言官論救改南京行人司副居三年母憂去繼丁父憂哀毀喪除不復出卜居定山二十餘年學者稱定山先生巡撫王恕嘗欲葺其廬辭之景平生不尚著述有自得輒見之於詩薦章十餘上部檄屢趣俱不赴大學士邱濬素惡景語人曰率天下士背朝廷者景也宏治七年有薦景者奉詔起用景念濬當國不出且得罪強起入都大學士徐溥諂郎中邵竇曰定山故翰林復之濬聞曰我不識所謂定山也乃復以爲行人司副俄遷南京吏部郎中得風疾明年乞身歸部臣不爲奏又明年京察尙書倪岳以老疾罷之居二年卒年六十三天啟初追諡文節

**陳** 字誠之武進縣人由進士宏治間任寶坻縣知縣才識卓異興利除害抑強扶弱遠近州縣想望丰采縣舊惟

氏姓譜

卷七十九

七陽

莊氏

三

土城傾圮已久禪乃申請撫按洪都御史淮令民寇帶納銀以供其費禪仍令縣民量家出貲以助不及限地分工卽令民之有力者領其役委佐貳官以督之不旬日而城成財不費而民忘其勞人皆異之分立市集修建橋梁偉然爲京東良縣皆禪之功也陞戶部主事

**龍** 字惇之海陽人年十四遊郡庠覓不同俗宏治九年進士初授安福令有能聲兩疏懇乞改教調國子監博士尋陞德府長史建言五疏以明心術之微嘉納之丁內艱起復任淮府長史王敬信時宸濠陰蓄異圖王許聞於上濠嫉典與謀設計杖死時咸悼之御史王完奏稱有直節正氣凜不可奪之語嘉靖改元加贈太常少卿遣官諭祭

**陳**

鄱陽人貌魁梧負才器有詩名性好遊上會稽浮

河洛抵閩海而趣益高例歲貢材能一人邑令任勉舉叔

淵銓曹每試局等授蘇州通判尋調寧波皆能其官永樂四年求賢詔寧波復以叔淵應陞知府提調交趾金治事踰二年疾卒

**莊天合**長沙衛人萬歷己丑進士改庶吉士授編修侍講筮晉官僚以端謹受知於光宗庚子舉試南都甲辰分校禮闈所拔多知名士累進少詹事丁外艱歸卒贈禮部右侍郎賜祭葬子以禮蔭授中書舍人

**莊祖詒**蜀人萬歷二十六年知常寧縣草里甲舊規禁行戶以杜侵漁建學右橋人名之曰莊公橋創公牆萬仞坊造士陂村石梁以內艱去在

**莊大化**雲南潞益州人天啟中知酃縣清介不妄取民一錢衙齋清冷晨炊往往不繼六載考滿貧無以治歸裝士民醵金贈行力却之

氏姓譜

卷七十九

七陽

莊氏

三

**莊**為都督指揮天順四年督兵及分守左參將商瑞右參將李交東至城步攻入西延十八團破一百三十七寨斬首三千級還被擄男婦七百口成化三年榮守備武岡時苗寇湖南榮伏兵於龍鄉大破之

**莊允鳴**奉化曹村人長於詩由洪武間楷書貢授河南汜水知縣改邵武陞吏部考功郎中公正廉謹愛民好士有遺愛之政焉

歷代列女

**莊姬**楚襄王夫人襄王好臺榭出入不時行年四十不立太子諫者輒殺之莊姬年十二以提竿為幟伏南都道王車至姬舉幟王使人問之姬曰欲言隱事因為陳三難五患王曰善令後車載還立為夫人

**莊仙女**與孔氏葉氏為三仙女俱上虞人天寶間徃武夷

學道樓天柱峯下一日遇太姆元君授以丹訣令往東南尋雲虛洞煉之至君峯果得仙洞遂作丹焉治平間有江公者至山中得一徑深入忽有洞題雲虛之洞三仙女在焉仙童引入飲以胡麻飯比辭歸家已三載矣

**莊氏** 南安人適黃欽祥越五年欽祥卒舅姑慮其早寡莊知之以身誓自是蓬頭垢面絕外事專治女工撫二子長厥初年十九而天次厥仲娶陳生孫密未踰月仲復天姑婦相依以守各以壽終督學使得聞於有司禮幣旌之

**莊氏** 傅元英妻流賊抵武林子傅與林奉母莊氏及妻錢氏弟世植妻陳氏同避亂於金家港亡何騎至莊一躍入江錢隨之陳氏稍後一騎挾以威逼陳大罵被三鎗罵愈烈傅家三烈人多弔之

**莊氏** 興國人劉學良妻年十六嫁學良卒氏哭甚哀有求氏姓譜

養者舅姑許之至期自縊

**莊氏** 九陵妻也姓陳氏鄞縣人五歲許字九陵踰年九陵喪明議罷婚氏聞之流涕絕食婚得不罷歸九陵仰事俯育備嘗艱苦遠近稱之

**莊氏** 賴五十妻名昭永安人幼喪父與母居鄰人罕見其面年二十七歸於賴明年生子璧越兩期夫亡人爭窘迫之百折不移惟植孤孝養姑氏姑衰邁無齒日哺甘脆以爲養璧甫成名而歿鞠諸孫遺遊國學攻苦服勤年九十九卒大學士徐階謫府推時謂其標赤幟於三綱之途

**莊氏** 海康吳金童妻也成化初廣西流寇掠鄉邑莊隨夫避新會備劉銘家銘見莊美欲犯之屢誘不從乃令黨梁狗同金童入海捕魚投水死越三日不還莊求之海濱屍浮岸側手足被縛腫腐莫可辨莊以衣識之歸攜女赴水

抱夫屍而沒翼日三屍隨流遠銘門去而復還士人感異殯祭之然莫知銘殺也後梁徇漏言有司並捕考處以極

九

**莊氏**周彥敬妻也彥敬樓霞知縣氏讀書知大義亂起鄉人悉竄山穴中莊以男女無別有難色彥敬強之曰不且見殺莊曰無禮不如死君疑我難死乎既引刀自裁彥敬感其義終身不復娶

**莊氏**宜陽人董太河妻也夫受刑死氏聞之號哭欲絕竟縊於室建坊旌表

**莊氏**南名人卒存妻也夫歿七日不食而死建坊賜祭

**莊氏**婦大成妻也姓蘇氏嘉興人年十四未婚夫卒矢志守節翁姑以禮迎歸拜廟受笄祇修婦道坐臥一室不窺戶庭者五十年邑令譚承詔楊兆斗先後旌之

氏姓譜

卷七十九

七陽

莊氏

齒

**莊氏**長洲人顧兩疏妻也蚤寡守節教子宗孟成進士萬曆中旌表之

**莊氏**海寧人張廷祿妻也年二十二夫亡身操家政備歷凶荒教子源成源思源成登進士崇正間旌表之

**莊氏**

通志云周大夫萇宏之後望出魏郡東平

歷代名賢

同

**萇宏**周大夫萇叔也景王十四年王問於宏曰今茲諸侯何實吉何實凶對曰蔡凶此蔡侯般弑其君之歲也歲在豕韋弗過此矣楚將有之然壅也歲及大梁蔡復楚凶天之道也二十年晉使屠蒯如周請有事於雒與三塗宏謂劉文公曰客客猛非祭也其伐戎乎陸渾氏甚睦於楚必

是故也君其備之晋果滅陸渾其衆奔甘鹿周大獲二十一年毛得殺毛伯過而代之宏曰毛得必亡是昆吾稔之日也侈故之以而毛得以濟侈於王都不亡何待子朝之亂南宮極右之敬王元年八月南宮極震宏謂劉文公曰君其勉之先君之力可濟也周之亡也其三川震今西王之大臣亦震天棄之矣東王必大克二年南宮嚚以甘桓公見王子朝劉文公謂宏曰甘氏又往矣對曰何害同德度義大誓曰紂有億兆夷人亦有離德余有亂臣十人同心同德此周所以興也君其務德無患無人晋范吉射攻其君不克奔朝歌劉氏范氏世爲婚姻宏事劉文公故周與范氏二十八年晋趙鞅以爲討周人殺宏初劉文公與宏欲城成周爲之告晋衛彪奚及晋女叔寬曰莨叔將不免天之所壞不可支也及是果及禍

氏姓譜

卷七十九

七陽

莨氏

莨

唐

莨鳳唐末人嘗贈羅隱雁頭牒百幅

五代

莨從簡陳州人也事晋爲軍校力敵數人善用槊莊宗用兵攻城從簡多爲梯頭莊宗愛其勇以功累遷步軍都指揮使莊宗與梁軍對陣梁軍有執大旗出入陣間者莊宗登高卽望見之歎曰彼猛士誰能爲我取之者從簡因請往莊宗惜之不許從簡潛率數騎馳入梁軍奪其旗而還軍中皆鼓譟莊宗壯之賜與甚厚從簡嘗中流矢鏃入髀骨命工取之工無良藥欲鑿其骨人皆以爲不可從簡遽使鑿之工遲疑不忍下從簡叱其亟鑿左右視者皆若不勝其毒而從簡言笑自若然其爲人剛暴難制莊宗每屈法優容之累遷蔡州防禦使明宗時歷麟汝汾金四州防

樂使明宗嘗戒之曰富貴可惜然汝不能守也先帝能貸爾吾恐不能從簡性不可悛明宗亦不之責廢帝舉兵於鳳翔從簡與諸鎮兵圍之已而兵潰從簡東走被執廢帝責其不降從簡曰事主不敢二心廢帝釋之拜潁州團練使晉高祖起兵太原廢帝將親征名爲招討副使從至河陽拜河陽三城節度使廢帝還洛陽從簡卽降晉歷鎮忠武武寧入爲左金吾衛上將軍卒年六十五贈太師從簡好食人肉所至多潛捕民間小兒以食許州富人有玉帶欲之而不可得遣二卒夜入其家殺而取之卒夜踰垣隱木間見其夫婦相待如賓二卒歎曰吾公欲奪其寶而害斯人吾必不免因躍出而告之使其速以帶獻遂踰垣去

**明**

**袁輝** 柳州人成化舉人

**氏姓譜**

**卷七十九**

七陽 袁氏

吳

**皇氏**

風俗通云三皇之後因氏焉左傳鄭大夫皇頡皇辰宋有皇氏世爲上卿本皇父充石之後以字爲氏又云出自宋戴公之後望出吳郡

歷代名賢

**周**

**皇父充石** 宋戴公子事武公爲司徒武公之世鄭瞞伐我充石帥師禦之彤班御充石公子穀甥爲右司寇牛父駟乘以敗狄於長邱獲長狄緜斯充石與二子死焉公以門賞彤班使食其征謂之彤門

**皇卽** 皇父充石之後卽事平公平公十二年宋災樂喜爲

司城以爲政使卽命校正出馬工正出車備甲兵庀武守

冬十月諸侯伐鄭卽從晉荀罃門于鄆門

爲右師事景公景公二十九年瑗帥師侵鄭三十一年鄭圍我雍邱瑗圍鄭師每日遷舍壘合鄭師哭鄭罕達救之夫敗取鄭師於雍邱使有能者無死以邾張與鄭羅歸三十四年瑗會魯侯衛侯於鄆及魯衛盟三十九年瑗之子麋有友曰田丙而奪其兄鄭般邑以與之鄭般愠而行告向魋之臣子儀克克告夫人曰麋將納桓氏公執麋瑗奔晉召之明年殺瑗已而公聞其情復皇氏之族使皇緩爲右師

**野**字子仲爲景公司馬景公三十六年向魋謀亂公知之告野曰余長魋也今將禍余請卽救司馬野曰有臣不順神之所惡也而况人乎敢不承命不得左師不可請以君命召之左師者向魋之兄向巢也向巢每食擊鐘聞鐘聲公曰夫子將食旣食又奏公曰可矣以乘車往日迹人氏姓譜

卷七十九

七陽 皇氏

七

來告曰逢澤有介麋焉公曰雖魋未來得左師吾與之田若何君憚告子野曰嘗私焉君欲速故以乘車逆子與之乘至公告之拜不能起野曰君與之言公曰所難子者上有天下有先君對曰魋之不共宋之禍也敢不惟命是聽野請瑞以命其徒攻桓氏其父兄故臣曰不可其新臣曰從吾君之命遂攻之向魋入於曹以叛向巢伐之不克向魋奔衛向巢奔魯向魋之臣子儀克愬皇瑗之子麋曰將納桓氏公問諸野初野將以杞妣之子非我爲子麋曰必立伯也是良材野怒弗從故對曰右師則老矣不識麋也公遂執麋野卒

**非我**

事景公爲大司馬景公無子取公孫周之子得與

啟畜諸公宮未有立焉有大尹者近官而有寵四十八年公薨大尹立啟非我因樂棧皇懷靈不緩謀使國人施於

大尹大尹奉啟奔楚乃立得是爲昭公皇懷爲司徒非我從昆弟也

**皇武**

爲鄭大夫事文公文公三十七年宋公如楚還入

鄭公將享之問禮於武子對曰宋先代之後也於周爲客天子有事膳焉有喪拜焉豐厚可也公從之享宋公有加禮文公薨事穆公初秦使杞子逢孫楊孫戍我穆公元年杞子使秦師襲我公使武子辭杞子杞子奔齊逢孫楊孫奔宋其後有皇戍者事襄公襄公八年楚圍我我及楚平夏晉救我楚師旣還改乘轅而北次於管以待之晉師在敖鄙之間我使皇戍如晉師曰鄭之從楚社稷之故也未有貳心楚師驟勝而驕其師老矣而不設備子擊之鄭師爲承楚師必敗及戰楚敗晉師於邲十七年晉討邲之役會諸侯伐我我敗諸邱輿戍如楚獻捷十八年襄公薨悼

氏姓譜

卷七十九

七陽

皇氏

吳

公卽位我疆許田許敗我師公伐許旣而公與許男訟於楚成攝公之辭楚不能決十九年許復愬公於楚夏公如楚訟不勝楚執戍及公子發公歸遂叛楚戍子耳事簡公耳帥師侵衛衛獲耳於犬邱

**二國**

**皇家** 字休明廣陵江都人幼攻書時有張子竝陳梁甫能書甫恨逋竝恨峻象斟酌其間甚得其妙中國善書不能及也官至青州刺史

**南北**

**皇侃** 吳郡人青州刺史象九世孫也少好學師事賀瑒精力專門盡通其業尤明三禮孝經論語爲兼國子助教於

學講說聽者常數百人撰禮記講疏五十卷書成奏上詔付秘閣頃之名入壽光殿講禮記義梁武帝善之加員外

散騎侍郎侃性至孝常日暇誦孝經二十遍以擬觀世音經丁母憂還鄉里平西郤陵王欽其學厚禮迎之侃至因感心疾卒所撰論語義禮記義見重於世學者傳焉

**明**

**國之**慈利人正德中以歲貢授會藩長史後陞浙江嘉湖道性和易清苦自甘未半載乞休家居不見有司有古君子風祀鄉賢

**合肥人**正統中荊州左衛千戶

**昌氏**

風俗通云黃帝子昌意之後今嶺南多此姓望出汝南東海又昌汝南郡系出有熊氏黃帝子昌意昌惠子帝顓頊高陽氏高陽支子以王父字為氏

歷代名賢

氏姓譜

卷七十九

七陽

皇氏

无

**昌氏**

歷陽烏江人也少有武幹齊代隨曹武征伐累有軍功武為雍州以義之補防閣出為馮翊戍主及武代還義之留事高祖時天下方亂高祖亦厚遇之義師起板為輔國將軍軍主除建安王中兵參軍時竟陵辛口有邸閣高祖遣驅每戰必捷大軍次新林隨王茂於新亭並朱雀航力戰斬獲尤多建康城平以為直閣將軍馬右來轂主天監元年封永豐縣侯邑五百戶除驍騎將軍出為盱眙太守二年遷假節督北徐州諸軍事輔國將軍北徐州刺史鎮鍾離魏寇州境義之擊破之三年進號冠軍將軍增封二百戶四年大舉北伐揚州刺史臨川王督眾軍軍洛口義之以州兵受節度為前軍攻魏梁城成克之五年高祖以征役久有詔班師眾軍各退散魏中山王元英乘勢

追躡攻沒馬頭城內糧儲魏悉移之歸北議者咸曰魏運  
米北歸當無復南向高祖曰不然此必進兵非其實也乃  
遣土匠修營鍾離城救義之爲戰守之備是冬英果率其  
安樂王元道明乎東將軍楊大眼等衆數十萬來寇鍾離  
鍾離城北阻淮水魏人於邵陽洲西岸作浮橋跨淮通道  
英據東岸大眼據西岸以攻城時城中衆纔三千人義之  
督帥隨方抗禦魏軍乃以車載土填塹使其衆負土隨之  
嚴騎自後感焉人有未及回者因以土迆之俄而塹滿英  
與大眼躬自督戰晝夜苦攻分番相代墜而復升莫有退  
者又設飛樓及衝車撞之所值城上輒頽落義之乃以泥  
補缺衝車雖入而不能壞義之善射其被攻危急之處輒  
馳往救之每彎弓所向莫不應弦而倒一日戰數十合前  
後殺傷者萬計魏軍死者與城平六年四月高祖遣曹景

氏姓譜

卷七十九

七陽

昌氏

三

宗韋獻帥衆二十萬救焉既至與魏戰大破之英大眼等  
各脫身奔走義之因率輕兵追至洛口而還斬首俘生不  
可勝計以功進號軍師將軍增封二百戶遷持節督青冀  
二州諸軍事征虜將軍青冀二州刺史未拜改督南兖充  
徐青冀五州諸軍事輔國將軍南兖州刺史坐禁物出藩  
爲有司所奏免其年補朱衣直閣除左驍騎將軍直閣如  
故遷太子右衛率領越騎校尉假節八年出爲持節督湘  
州諸軍事征遠將軍湘州刺史九年以本號還朝俄爲司  
空臨川王司馬將軍如故十年遷右衛將軍十三年徙爲  
左衛將軍是冬高祖遣太子右衛率康絢督衆軍作荆山  
堰明年魏遣將李曇定大衆逼荆山揚聲欲決堰詔假義  
之節帥太僕卿魚宏文直閣將軍曹世宗徐元和等救絢  
軍未至絢等已破魏又遣大將李平攻峽石圍直閣將軍

趙祖悅義之又率朱衣直閣王神念等救之時魏兵盛神念攻岐石浮橋不能克故援兵不得時進遂陷岐石義之班師爲有司所奏高祖以其功臣不問也十五年復以爲使持節都督湘州諸軍事信威將軍湘州刺史其年改授都督北徐州緣淮諸軍事平北將軍北徐州刺史義之性寬厚爲將能撫御得人死力及居藩任吏民安之俄給鼓吹一部改封營道縣侯邑戶如先普通三年徵爲護軍將軍鼓吹如故四年十月卒高祖深痛惜之詔曰護軍將軍營道縣開國侯昌義之幹畧沈濟志懷寬隱誠著運始効彰邊服方申爪牙寄以禁旅奄至殞喪惻愴於懷可贈散騎常侍車騎將軍並鼓吹一部給東園秘器朝服一具賻錢二萬布二百疋蠟二百斤諡曰烈子寶業嗣官至直閣將軍譙州刺史

氏姓譜

卷七十九

七陽

昌氏

三

宋

**昌詭** 邕州人進士補文學給與中上疏言馬政

**昌森** 字元秀涇人初授蘄州廣濟縣尉以捕盜改秩知光州固始縣秩滿任揚州兪劄歷知英連二州

**昌永** 字禹功涇人靖康中金人犯京師永率太學諸生守義不屈朝廷嘉其節補進義校尉給與癸未以待奏第一累遷太常寺丞

明

**昌** 蘄州人永樂中任博羅縣知縣築堤興學勸課農桑歷四川參政

**昌應會** 莆田人嘉靖中知漢川縣縣當漢江下流土田歲被淹沒民不聊生應會極意拊循輕徭緩賦嘗夜有盜劫民舍應會聞而卽逐之盜截其兩耳去已得盜盡殺之時

景王出封安陸奏討庄田闌及漢川中璫暴橫倍甚會故持之中璫怒昌強項奏逮繫按察司獄者累月當道承景府意竟坐調他邑民思之爲立祠生祀於漢江上

**昌應時**字廷佐莆田人登進士第嘉靖四十二年以刑部員外謫任武岡知州殫心蒞政雅意作人建鰲山書院課士先後科第相繼歸造就焉

**何李**不知何代人入山擔柴崩巖墮山下尚有微氣婦來涕泣哀慟仙人尹伊聞之愴然謂婦曰吾能治汝婿卽以角煎湯賜之並付其方藥能長服之令人神氣不衰

歷代列女

**昌氏**名容自稱商王女食蓬萊根往來上下見之者二百餘年顏色如二十許人能致紫草賣與染家得錢以貽孤寡歷世而然奉祀者萬計

氏族譜

卷七十九

七陽

昌氏

臺

**昌氏**沐陽民賈中貴妻值姑病夫婦侍湯藥不離左右迎醫不能治氏乃叩天割臂肉煎湯飲姑卽安秘之不彰萬歷間知縣徐可達上其事旌表

**昌氏**祁陽人陳所養妻年二十所養沒矢節茹苦姑年八十七昌扶持無間晨昏撫教兩孤長子伯勝以明經仕爲縣令

黃氏

嬴姓陸終之後受封於黃今光州定城西二十里有黃國故城在楚與國也僖十二年爲楚所滅子孫以國爲氏亦嬴姓十四氏之一也

歷代名賢

周

**黃歇**是爲春申君楚人也游學博聞事楚頃襄王頃襄王

以歇爲韓使於秦秦昭王使白起攻韓魏敗之於華陽禽魏將芒卯韓魏服而事秦秦昭王方令白起與韓魏共伐楚未行而楚使歇適至於秦聞秦之計當是時秦已前使白起攻楚取巫黔中之郡拔鄢郢東至竟陵頃襄王東徙治於陳縣歇見懷王爲秦所誘而入朝遂見欺留死於秦頃襄王其子也秦輕之恐壹舉兵而滅楚乃上書說秦昭王昭王悅於是乃止白起而謝韓魏發使賂楚約爲與國歇受約歸楚楚使歇與太子完入質於秦秦留之數年頃襄王病太子不得歸而太子與秦相應侯善於是歇乃說應侯曰相國誠善楚楚太子乎應侯曰然歇曰今楚王恐不起疾秦不如歸其太子太子得立其事秦必重而得相國無窮是親與國而得儲萬乘也若不歸則咸陽一布衣耳楚更立太子必不事秦夫失與國而絕萬乘之和非計也

氏姓譜

卷七十九

七陽

黃氏

三

願相國熟慮之應侯以聞秦王秦王曰令楚太子之傳先往問楚王之疾返而後圖之歇爲太子計曰秦之留太子也欲以求利也今太子力未能有以利秦也歇憂之甚而陽文君子二人在中王若卒大命太子不在陽文君子必立爲後太子不得奉宗廟矣不如亡秦與使者俱出臣請止以死當之太子因變衣服爲楚使者御以出關而歇守舍常爲謝病度太子已遠秦不能追歇乃自言秦昭王曰楚太子已歸出遠矣歇當死願賜死昭王大怒欲聽其自殺也應侯曰歇爲人臣出身以徇其主太子立必用歇故不如無罪而歸之以親楚秦因遣歇歇至楚三月頃襄王薨太子完立是爲考烈王考烈王元年以歇爲相封爲春申君賜淮北地十二縣後十五歲歇言之楚王曰淮北地邊齊其事急請以爲郡便因並獻淮北十二縣請封於江

東考烈王許之春申君因城故吳墟以自爲都邑春申君  
既相楚是時齊有孟嘗君趙有平原君魏有信陵君方爭  
下士招致賓客以相傾奪輔國持權春申君爲楚相四年  
秦破趙之長平軍四十餘萬五年圍邯鄲邯鄲告急於楚  
楚使春申君將兵往救之秦兵亦去八年北伐滅魯以荀  
卿爲蘭陵令十二年秦昭王卒使春申君弔祠於秦二十  
二年諸侯患秦攻伐無已時乃相與合從西伐秦而楚王  
爲從長趙使魏加見春申君曰君有將乎曰有矣僕欲將  
臨武君魏加曰臣少好射願以射譬異日者更羸與魏王  
處京臺之下仰見飛鳥更羸謂魏王曰臣爲王引弓虛發  
而下鳥魏王曰射可至此乎更羸曰可有間鴈從東方來  
更羸以虛發而下之魏王曰射可至此乎更羸曰此孽也  
王曰何以知之對曰其飛徐而鳴悲飛徐者故瘡痛也鳴

氏姓譜

卷七十九

七陽

黃氏

譜

悲者久失羣也故瘡未息而驚心未去也聞亟音烈而高  
飛故瘡噴也今臨武君嘗爲秦孽不可爲拒秦之將也春  
申君至函谷關秦出兵攻諸侯兵皆敗走王以咎春申君  
春申君以此益疎客有觀津人朱英謂春申君曰人皆以  
楚爲彊而君用之弱其于英不然先君時善秦二十年而  
不攻楚何也秦踰黽隘之塞而攻楚不便假道於兩周背  
韓魏而攻楚不可今則不然魏旦暮亡不能愛許鄢陵其  
許魏割以與秦秦兵去陳百六十里臣之所觀者見秦楚  
之日闔也楚於是去陳徙壽春而秦徙魏野王作置東郡  
春申君繇此就封於吳行相事考烈王無子春申君患之  
求婦人宜子者進之甚衆卒無子趙人李園持其女弟欲  
進之楚王聞其不宜子恐久毋寵李園求事春申君爲舍  
人已而謁歸故失期還謁春申君問之狀對曰齊王使使

求臣之女弟與其使者飲故失期春申君曰聘入乎對曰未也可得見乎曰可於是李園乃進其女弟卽幸於春申君知其有身李園乃與其女弟謀園女弟乘間說春申君曰楚王之貴幸君雖兄弟不如也今君相楚二十餘年而王無子卽百歲後將更立兄弟則楚更立君後亦各貴其故所親君又安得長有寵乎非徒然也君貴用事久多失禮於王兄弟兄弟誠立禍且及身何以保相印江東之封乎今妾自知有身矣而人莫知妾幸君未久誠以君之重而進妾於王王必幸妾妾賴天有子則是君之子爲王也楚國盡可得孰與身臨不測之罪乎春申君大然之乃出李園女弟謹舍而言之王王召入幸之遂生子立爲太子以李園女弟爲王后王貴李園園用事李園旣入其女弟立爲王后子爲太子恐春申君語泄而益驕陰養死士欲

氏姓譜

卷十九

七陽

黃氏

七

殺春申君以滅口而國人頗有知之者二十五年考烈王病朱英謂春申君曰世有毋望之福又有毋望之禍今君處毋望之世事毋望之主安可以無毋望之人乎春申君曰何謂毋望之福曰君相楚二十餘年矣雖名相國實楚王也今王病且暮且卒而君相少主因而代立當國如伊尹周公王長而反政不卽遂南面稱孤而有楚國此所謂毋望之福也春申君曰何謂毋望之禍曰李園不治國王之舅也不爲兵而養死士之日久矣王卒李園必先入據權而殺君以滅口此所謂毋望之禍也春申君曰何謂毋望之人曰君置臣卽中王卒李園必先入臣爲君殺之此所謂毋望之人也春申君曰先生置之李園弱人也僕又善之何至此朱英恐乃亡去後十七日考烈王薨李園果先入置死士於棘門之內春申君後入止棘門園死士夾

刺春申君斬其頭投之棘門外

**漢**

**黃霸**字次公淮陽陽夏人也以豪傑役使徙雲陵霸少學律令喜爲吏武帝末以待詔入錢賞官補侍郎謁者坐同產有罪劾免後復入穀沈黎郡補左馮翊二百石卒史馮翊以霸入財爲官不署右職使領郡錢穀計簿書正以廉稱察補河東均輸長復察廉爲河南太守丞霸爲人明察內敏又習文法然溫良有讓足知善御衆爲丞處議當於法令人心太守甚任之吏民愛敬焉自武帝末用法深昭帝立幼大將軍霍光秉政大臣爭權上官桀等與燕王謀作亂光既誅之遂遵武帝法度以刑罰痛繩羣下繇是俗吏尙嚴酷以爲能而霸獨用寬和爲名會宣帝卽位在民間時知百姓苦吏急也聞霸持法平名以爲廷尉正數決

**氏姓譜**

**卷七十九**

七陽

黃氏

黃

疑獄庭中稱平守丞相長史坐公卿大議廷中知長信少府夏侯勝非議詔書大不敬霸阿從不舉劾皆下廷尉繫獄當死霸因從勝受尙書獄中再踰冬積三歲迺出勝出復爲諫大夫令左馮翊宋畸舉霸賢良勝又口薦霸於上上擢霸爲揚州刺史三歲宣帝下詔曰制詔御史其以賢良高第揚州刺史霸爲潁川太守秩比二千石居官賜車蓋特高一丈別駕主簿車緹油屏泥於軾前以章有德時上垂意於治數下恩澤詔書吏不奉宣太守霸爲選擇良吏分部宣布詔令令民咸知上意使郵亭鄉官皆畜雞豚以贍餼寡貧窮者然後爲條教置父老師帥伍長班行之於民間勸以爲善防姦之意及務耕桑節用殖財種樹畜養去食穀馬米塩靡密初若煩碎然霸精力能推行之吏民見者語次尋繹問它陰伏以相參考嘗欲有所司察擇

長年廉吏遺行屬令周密吏出不敢舍郵亭食於道旁鳥攫其肉民有欲詣府口言事者適見之霸與語道此後日吏還謁霸霸見迎勞之曰甚苦食於道旁乃爲鳥所盜肉吏大驚以霸具知其起居所問毫釐不敢有所隱餼寡孤獨有死無以葬者鄉部書言霸具爲區處某所大木可以爲棺某亭猪子可以祭吏往皆如言其識事聰明如此吏民不知所出咸稱神明姦人去入它郡盜賊曰少霸力行教化而後誅罰務在成就全安長吏許丞老病聾督郵白欲逐之霸曰許丞廉吏雖老尙能拜起送迎正頗重聽何傷且善助之無失賢者意或問其故霸曰數易長吏送故迎新之費及姦吏緣絕簿書盜財物公私費耗甚多皆當出於民所易新吏又未必賢或不如其故徒相益爲亂凡治道去其泰甚者耳霸以外寬內明得吏民心戶口歲增

## 氏姓譜

### 卷七十九

七陽

黃氏

七

治爲天下第一徵守京兆尹秩二千石坐發民治馳道不先以聞又發騎士詣北軍馬不適士劾乏軍興連貶秩有詔歸潁川太守官以八百石居治如其前前後八年郡中愈治是時鳳皇神爵數集郡國潁川尤多天子以霸治行終長者下詔稱揚賜爵關內侯黃金百斤秩中二千石而潁川孝弟有行義民三老力田皆以差賜爵及帛後數月徵霸爲太子太傅遷御史大夫五鳳三年代邴吉爲丞相封建成侯食邑六百戶霸材長於治民及爲丞相總綱紀號令風采不及丙魏于定國時京兆尹張敞舍鴉雀飛集丞相府霸誤以爲神雀議欲以聞敞劾奏霸天子嘉納敞言名上計吏使侍中臨飭如敞指意霸甚慙又樂陵侯史高以外屬舊恩侍中貴重霸薦高可太尉天子使尙書名問霸太尉官罷久矣丞相兼之所以偃武興文也如國家

不虞邊境有事左右之臣皆將率也夫宣明教化通達幽  
隱使獄無冤刑邑無盜賊君之職也將相之官朕之任焉  
侍中樂陵侯高帷幄近臣朕之所自親君何越職而舉之  
尙書令受丞相對霸免寇謝罪數日乃決自是後不敢復  
有所請然自漢興言治民吏以霸爲首爲丞相五歲甘露  
三年薨諡曰定侯霸死後樂陵侯高竟爲大司馬霸子思  
侯賞嗣爲關都尉薨子忠侯輔嗣至衛尉九卿薨子忠嗣  
侯訖王莽迺絕子孫爲吏二千石者五六人

**黃憲**字叔度汝南慎陽人也世貧賤父爲牛醫潁川荀淑  
至慎陽遇憲於逆旅時年十四淑竦然異之揖與語移日  
不能去謂憲曰子吾之師表也旣而前至袁闕所未及勞  
問逆曰子國有顏子寧識之乎闕曰見吾叔度邪是時同  
郡戴良才高倨傲而見憲未嘗不正容及歸罔然若有失  
**氏姓譜** **卷七十九** 七陽 黃氏 吳

也其母問曰汝復從牛醫兒來邪對曰良不見叔度不自  
以爲不及旣觀其人則瞻之在前忽焉在後固難得而測  
矣同郡陳蕃周舉嘗相謂曰時月之間不見黃生則鄙吝  
之萌復存乎心及蕃爲三公臨朝歎曰叔度若在吾不敢  
先佩印綬矣太守王龔在郡禮進賢達多所降致卒不能  
屈憲郭林宗少游汝南先過袁閎不宿而退進往從憲累  
日方還或以問林宗林宗曰奉高之器譬諸汎濫雖清而  
易挹叔度汪汪若千頃陂澄之不清滂之不濁不可量也  
憲初舉孝廉又辟公府友人勸其仕憲亦不拒之暫到京  
師而還竟無所就年四十八終天下號曰徵君

**黃香**字文彊江夏安陸人也年九歲失母思慕憔悴殆不  
免喪鄉人稱其至孝年十二太守劉護聞而召之署門下  
孝子甚見愛敬香家貧內無僕妾躬執苦勤盡心奉養遂

博學經典究精道術能文章京師號曰天下無雙江夏黃  
童初除郎中元和元年肅宗詔香詣東觀讀所未嘗見書  
香後告休及歸京師時千乘王冠帝會中山邸迺詔香殿  
下顧謂諸王曰此天下無雙江夏黃童者也左右莫不改  
觀後名詣安福殿言政事拜尚書郎數陳得失賞賚增加  
嘗獨止宿臺上晝夜不離省闈帝聞善之永元四年拜左  
丞功滿當遷和帝留增秩六年累遷尚書令後以爲東郡  
太守香上疏讓曰臣江淮孤賤愚蒙小生經學行能無可  
算錄遭值太平先人餘福得以弱冠特蒙徵用連偕累任  
遂極臺閣訖無纖介稱報恩效死誠不意悟卒被非望顯  
拜近郡尊位千里臣聞量能授官則職無廢事因勞施爵  
則賢愚得宜臣香小醜少爲諸生典郡從政固非所堪誠  
恐矇頓孤忝聖恩又惟機密端首至爲尊要復非臣香所

氏姓譜

卷十九

七陽

黃氏

五

當久奉承詔驚惶不知所裁臣香年在方剛適可驅使願  
乞餘恩留備冗官賜以督責小職任之宮臺煩事以畢臣  
香螻蟻小志誠瞋目至願土灰極榮帝亦惜香幹用久習  
舊事復留爲尚書令增秩二千石賜錢三十萬是後遂管  
樞機甚見親重而香亦祇勤物務憂公如家十二年東平  
清河奏詆言卿仲遠等所連及且干人香科別據奏全活  
甚衆每郡國疑罪輒務求輕科愛惜人命每存憂濟又曉  
習邊事均量軍政皆得事宜帝知其精勤數加恩賞疾病  
存問賜醫藥在位多所薦達寵遇甚盛議者譏其過倖延  
光元年遷魏郡太守郡舊有內外園田常與人分種收穀  
歲數千斛香曰田令商者不農王制仕者不耕伐冰食祿  
之人不與百姓爭利迺悉以賦人課令耕種時被水年飢  
迺分俸祿及所得賞賜班贍貧者於是豐富之家各出義

穀助官稟貸荒民獲全後坐水潦事免數月卒於家所著賦牋奏書令凡五篇

**賈瓊**字世英江夏安陸人魏郡太守香之子也瓊初以父任爲太子舍人辭病不就遭父憂服闋五府俱辟連年不應永建中公卿多薦瓊者於是會稽賀純廣漢楊厚俱公車徵瓊至綸氏稱疾不進有司勸不敬詔下縣以禮慰遣遂不得已先是徵聘處士多不稱望李固素慕於瓊乃以書逆遺之曰聞已渡伊洛近在萬歲亭豈卽事有漸將順三命乎蓋君子謂伯夷隘柳下惠不恭故傳曰不夷不惠亦否之間蓋聖賢居身之所珍也誠遂欲枕山棲谷擬迹巢由斯則可矣若當輔政濟民今其時也自生民以來善政少而亂俗多必待堯舜之君此爲志士終無時矣嘗聞語曰曉曉者易缺皦皦者易汙陽春之曲和者必寡盛名

氏姓譜

卷十九

七陽

黃氏

四

之下其實難副近魯陽樊君被徵初至朝廷設壇席猶待神明雖無大異而言行所守亦無所缺而毀謗布流應時折減者豈非觀聽望深聲名太盛乎自頃徵聘之士胡元安薛孟嘗朱仲昭顧季鴻等其功業皆無所採是故俗論皆言處士純盜虛聲願先生宏此遠謨令衆人歎服一雪此言耳瓊至卽拜議郎稍遷尙書僕射初瓊隨父在臺閣習見故事及後居職達練官曹爭議朝堂莫能抗奪時連有災異瓊上疏言臣前頗陳災眚並薦光祿大夫樊英太中大夫薛苞及會稽賀純廣漢楊厚未蒙御省伏見處士巴郡黃錯漢陽任棠年皆耆耄有作者七人之志宜更見引致助崇大化於是有詔公車徵錯等三年大旱瓊復上疏書奏帝從之頃之遷尙書令瓊以前左雄所上孝廉之選專用儒學文吏於取士之義猶有所遺乃奏增孝悌及

能從政者爲四科事竟施行又雄前議舉吏先試之於公府又覆之於端門後尙書張盛奏除此科瓊復上言覆試之作將以澄洗清濁覆實虛濫不宜改革帝乃止出爲魏郡太守稍遷太常和平中以選入侍講禁中元嘉元年遷司空桓帝欲哀崇大將軍梁冀使中朝二千石以上會議其禮特進胡廣太常羊溥司隸校尉祝恬太中大夫邊韶等咸稱冀之勲德其制度賫賞以宜比周公錫之山川土田附庸瓊獨建議曰冀前以親迎之勞增邑三千又其子循亦加封賞昔周公輔相成王制禮作樂化致太平是以大啟土宇開地七百今諸侯以戶邑爲制不以里數爲限蕭何識高祖於泗水霍光定傾危以興國皆益戶增封以顯其功冀可比鄧禹合食四縣賞賜之差同於霍光使天下知賞必當朝廷從之冀意以爲恨會以地動策勉復爲

氏姓譜

卷十九

七陽

黃氏

聖

太僕永興元年遷司徒轉太尉梁冀前後所託辟召一無所用雖有善人而爲冀所辟舉者亦不加命延熹元年以日食免復爲大司農明年梁冀被誅太尉胡廣司徒韓續司空孫朗皆坐阿附免廢復拜瓊爲太尉以師傅之恩而不阿梁氏乃封爲邗鄉侯邑千戶瓊辭疾讓封六七上言旨皆懇惻乃許之梁冀旣誅瓊首居公位舉奏州郡素行貪汙至死徙者十餘人海內由是翕然望之尋而五侯擅權傾動內外自度力不能匡乃稱疾不起四年以寇賊免其年復爲司空秋以地震免七年疾篤上疏諫曰世荷國恩身輕位重勤不補過然懼於永沒負釁益深敢以垂絕之日陳不諱之言庶有萬分無恨三泉其年卒時年七十九贈車騎將軍諡曰忠侯

黃瓊字子琰少失父早而辯慧祖父瓊初爲魏郡太守建

和元年正月日食京師不見而瓊以狀聞太后詔問所食  
多少瓊思其對而未知所况瓊年七歲在傍曰何不言日  
食之餘如月之初瓊大驚卽以其言應詔而深奇愛之後  
瓊爲司徒瓊以公孫拜童子郎辭病不就知名京師時司  
空盛允有疾瓊遣瓊候問會江夏上蠻賊事副府允發書  
視畢微戲瓊曰江夏大邦而蠻多士少瓊奉手對曰蠻夷  
猶夏責在司空因拂衣辭去允甚奇之稍遷五官中郎將  
時陳蕃爲光祿勳深相敬待數與議事舊制光祿舉三署  
郎以高功久次才德尤異者爲茂才四行時權富子弟多  
以人事得舉而貧約守志以窮退見遺京師爲之諺曰欲  
得不能光祿茂才於是瓊蕃同心顯用志士平原劉醇河  
東朱山蜀郡殷參等並以才行蒙舉蕃瓊遂爲權富郎所  
見中傷事下御史中丞王暢侍御史刁韙韙暢素重蕃瓊

氏姓譜

卷七十九

七陽

黃氏

星

不舉其事而左右復陷以朋黨暢坐左轉議郎而免蕃官  
瓊建俱禁錮瓊被廢棄幾二十年至光和末太尉楊賜上  
書薦瓊有撥亂之才由是拜徵議郎擢爲青州刺史遷侍  
中中平初出爲右扶風徵拜將作大匠少府太僕又爲豫  
州牧時寇賊陸梁州境凋殘瓊討擊平之威聲大震政績  
爲天下表封關內侯及董卓秉政以瓊名臣徵爲司徒遷  
太尉更封陽泉鄉侯卓議遷都長安瓊與司徒楊彪同諫  
不從瓊退而駁議之曰昔周公營洛邑以寧姬光武卜東  
都以隆漢天之所啟神之所安大業旣定豈宜妄有遷動  
以虧四海之望時人懼卓暴怒瓊必及害固諫之瓊對曰  
昔白公作亂於楚屈廬冒刃而前崔杼弑君於齊晏嬰不  
懼其盟吾雖不德誠慕古人之節瓊竟坐免卓猶敬其名  
德舊族不敢害後與楊彪同拜光祿大夫及徙西都轉司

隸校尉與司徒王允同謀誅卓及卓將李傕郭汜攻破長安遂收琬下獄死時年五十二

**黃昌**字聖真會稽餘姚人也本出孤微居近學宮數見諸生修庠序之禮因好之遂就經學又曉習文法仕郡爲決曹刺史行部見昌甚奇之辟從事後拜宛令政尙嚴猛好發奸伏人有盜其車蓋者昌初無所言後乃密遣親客至門下賊曹家掩取得之悉收其家一時殺戮大姓戰懼皆稱神明朝廷舉能遷蜀郡太守先太守李根年老多悖政百姓侵冤及昌到吏人訟者七百餘人悉爲斷理莫不得所密捕盜帥一人脅使條諸縣強暴之人姓名居處乃分遣掩討無有遺脫宿惡大姦皆奔走他境初昌爲州書佐其婦歸寧於家遇賊被獲遂流轉入蜀爲人妻其子犯事乃詣昌自訟昌疑母不類蜀人因問所由對曰妾本會稽

氏姓譜

卷七十九

七陽

黃氏

聖

餘姚戴次公女州書佐黃昌妻也妾嘗歸家爲賊所畧遂至於此昌驚呼前謂曰何以識黃昌邪對曰昌左足心有黑子嘗自言當爲二千石昌乃出足示之因相持悲泣還爲夫婦視事四年徵再遷陳相縣人彭氏舊豪縱造起大舍高樓臨道昌每出行縣彭氏婦人輒升樓而觀昌不喜遂勅收付獄按殺之又遷爲河內太守再遷潁川太守永和五年徵拜將作大匠漢安元年進補大司農左轉太中大夫卒於官

**黃初平**

丹溪人也年十五家使牧羊有道士見其良謹便

引至金華山石室中四十餘年不復念家其兄初起行山尋索初平歷年不得後見市中有一道士初起問之曰吾有弟名初平因令牧羊失之四十餘年莫知死生所在願道君爲占之道士曰金華山中有一牧羊兒姓黃字初平

是卿弟非疑初起聞之卽隨道士去求弟遂得相見悲喜語畢問初平羊何在曰近在山東耳初起往視之不見但見白石而還謂初平曰山東無羊初平曰羊在兀但自不見之與之俱往初平乃叱曰羊起於是白石皆變爲羊數萬頭初起曰弟獨得仙道如此吾可學乎初平曰惟好道便可得之耳初起便棄妻子留住就初平學共服松脂伏苓至五百歲初平改號爲赤松子初起改字爲魯班其後服此藥得仙者數十人一本作皇氏

**黃存** 桓帝時東海相時中官兒子爲下邳令強奪故汝南守女歸舍殺之浮收其家屬按法悉棄諸市

**黃元** 字子艾濟陽人也以雋才知名林宗見而謂曰卿有絕人之才足成偉器然恐守道不篤將失之矣後果以此廢於時

氏姓譜

卷七十九

七陽

黃氏

蜀

三國

**黃忠** 字漢升南陽人也荆州牧劉表以爲中郎將與表從子磐共守長沙攸縣及曹操克荆州假行裨將軍仍就故任統屬長沙太守韓元先主南定諸郡忠遂委質隨從入蜀自葭萌受任還攻劉璋忠常先登陷陣勇毅冠三軍益州旣定拜爲討虜將軍建安二十四年於漢中定軍山擊夏侯淵淵衆甚精忠推鋒必進勸率士卒金鼓振天歡聲動谷一戰斬淵淵軍大敗遷征西將軍是歲先主爲漢中王欲用忠爲後將軍諸葛亮說先主曰忠之名望素非關馬之倫也今便令同列馬張在近親見其功尙可喻指關遙聞之恐必不悅得無不可乎先主曰吾自當解之遂與羽等齊位賜爵關內侯明年卒追諡剛侯子叙早沒無後

**黃權** 字公衡巴西閬中人也少爲郡史州牧劉璋召爲主

簿時別駕張松建議宜迎先主使伐張魯權諫曰左將軍有驍名今請到欲以郤曲遇之則不滿其心欲以賓客禮待則一國不容二君若客有泰山之安則主有累卵之危可但閉境以待河清璋不聽竟遣使迎先主出權爲廣漢長及先主襲取益州將帥分下郡縣郡縣望風景附權閉城堅守須劉璋稽服乃詣降先主先主假權偏將軍及曹操破張魯魯走入巴中權進曰若失漢中則三巴不振此爲割蜀之股臂也於是先主以權爲護軍率諸將迎魯魯已還南鄭北降曹操然卒破杜濩朴胡殺夏侯淵據漢中皆權本謀也先主爲漢中王猶領益州牧以權爲治中從事及稱尊號將東伐吳權諫曰吳人悍戰又水軍順流進易退難臣請爲先驅以嘗寇陛下宜爲後鎮先主不從以權爲鎮北將軍督江北軍以防魏師先主自在江南及吳

氏姓譜

卷十九

七陽

黃氏

墨

將軍陸議乘流斷圍南軍敗績先主引退而道隔絕權不得還故率將所領降於魏有司執法白收權妻子先主曰孤負黃權權不負孤也待之如初魏文帝謂權曰君捨逆効順欲追踪陳韓邪權對曰臣過受劉主殊遇降吳不可還蜀無路是以歸命且敗軍之將免死爲幸何古人之可慕也文帝善之拜爲鎮南將軍封育陽侯加侍中使之陪乘蜀降人或云誅權妻子權知其虛言未便發喪後得審問果如所言及先主薨問至魏羣臣咸賀而權獨否文帝察權有局度欲試驚之遣左右詔權未至之間果催相屬馬使奔馳交錯於道官屬侍從莫不碎魄而權舉止顏色自若後領益州刺史徙占河南大將軍司馬宣王深器之間權曰蜀中有卿輩幾人權笑而答曰不圖明公見顧之重也宣王與諸葛亮書曰黃公衡快士也每坐起歎述足

下不去口實景初三年蜀延熙初權遷車騎將軍儀同三司明年卒諡曰景侯子邕嗣邕無子絕權留蜀子崇爲尚書郎隨衛將軍諸葛瞻拒鄧艾到涪縣瞻盤桓未進崇屢勸瞻宜速行據險無令敵得入平地瞻猶豫未納崇至於流涕會艾長驅而前瞻却戰至縣竹崇帥厲軍士期於必死臨陣見殺

**賈蓋**字公覆零陵泉陵人也初爲郡吏察孝廉辟公府孫堅舉義兵蓋從之堅南破山賊北走董卓拜蓋別部司馬堅薨蓋隨策及權掇甲周旋蹈刃屠城諸山越不賓有寇難之縣輒用蓋爲守長石城縣吏特難檢御蓋乃署兩掾分主諸曹教曰令長不德徒以武功爲官不以文吏爲稱今寇賊未平有軍旅之務一以文書委付兩掾當檢攝諸曹糾摘謬誤兩掾所署事入諾出若有姦欺終不加以鞭

氏姓譜

卷七十九

七陽

吳

杖宜各盡心無爲衆先初皆怖威夙夜恭職久之吏以蓋不視文書漸容人事蓋亦嫌外懈怠時有所省各得兩掾不奉法數事乃悉請諸掾吏賜酒食因出事詰問兩掾辭屈皆叩頭謝罪蓋曰前已相勅終不以鞭杖相加非相欺也遂殺之縣中震慄後轉春穀長尋陽令凡守九縣所在平定遷丹陽都尉抑強扶弱山越懷附蓋姿貌嚴毅善於養衆每所征討士卒皆爭爲先建安中隨周瑜拒曹操於赤壁建策火攻拜武鋒中郎將武陵蠻夷反亂攻守城邑乃以蓋領太守時郡兵才五百人自以不敵因開城門賊半入乃擊之斬首數百餘皆奔走盡歸邑洛誅討魁帥附從者赦之自春訖夏寇亂盡平諸幽邃巴醴由誕邑侯君長皆改操易節奉禮請見郡邑遂清後長沙益陽縣爲山賊所攻蓋又平討加偏將軍病卒於官蓋當官決斷事無

留滯國人思之及權踐祚追論其功賜子柄爵關內侯

**晉**

**黃泓**字始長魏郡斥邱人也父沈善天文秘術泓從父受業精妙踰深兼博覽經史尤明禮易性忠勤非禮不動永嘉之亂與渤海高瞻避地幽州說瞻曰王浚昏暴終必無成宜思去就以圖久安慕容廆法政修明虛懷引納且識言真人出東北儻或是平宜相與歸之同建事業瞻不從泓乃率宗族歸廆廆待以客禮引爲參軍軍國之務動輒訪之泓止說成敗事皆如言廆嘗曰黃參軍孤之仲翔也及毓嗣位遷左常侍領史官甚重之石季龍攻毓將走遼東泓曰賊有敗氣無可憂也不過二日必當奔潰宜嚴勒士馬爲追擊之備毓曰今寇盛如此卿言必走孤未敢信泓曰殿下言盛者人事耳臣言必走者天時也胡足爲

疑及期季龍果退毓益奇之及慕容儁卽王位遷從事中

郎儁聞冉閔亂將圖中原訪之於泓泓勸行儁從之及僭

號署爲進謀將軍太史令闕內侯尋加奉車都尉西海太守領太史令開陽亭侯又封平舒縣五等伯常從左右諮

決才事靈臺令許敦害其寵諂事慕容評設異議以毀之乃以泓爲太史靈臺諸署統加給事中泓待敦彌厚不以

毀已易心慕容暉敗以老歸歎曰燕必中興其在吳人恨吾年過不見耳年九十七卒後三年僞吳王慕容垂興焉

**黃道**字武陵人晉時棄俗居高吾山修道乘白鹿而去不知所終

**黃輔**建城人有高行事親孝州郡舉孝廉穆帝時仕至御史清直有節操以晉政不綱權臣擅命遂隱遁焉子仁覽

**黃仁覽**居郡城東北二十里從學許旌陽後道仙去卽其

地爲祥符觀

南北

**黃法範**字仲昭巴山新建人少勁捷有膽力日步行二百里能距躍三丈頗便書疏閑明簿領出入州郡爲鄉閭憚侯景之亂於鄉里合徒衆太守賀詡下江州法範監知郡事陳武帝將踰嶺入援建鄴李遷仕作梗中途武帝命周文育屯西昌法範遣兵助文育時法範出頓新淦縣景遣行臺于慶來襲新淦法範敗之梁元帝承制授交州刺史資領新淦合封巴山縣子敬帝卽位改封新建縣侯太平元年割江西四郡置高州以法範爲刺史鎮巴山蕭勃歐陽顥來攻法範破之永定三年王琳遣李孝欽樊猛余孝頃攻周迪且謀取法範法範援迪禽孝頃等三將以功授平南將軍開府儀同三司熊曇朗於金口害周文育法範

氏姓譜

卷十九

七陽

黃氏

吳

共周迪討平之天嘉三年周迪反法範與吳明徹討平迪法範功居多廢帝卽位進爵爲公太建五年大舉北侵法範爲都督出歷陽於是爲拋車及步艦豎拍以逼之砲加其棲堞尅之盡誅其戍卒進兵合肥望旗降欵法範禁侵掠躬自勞撫而與之盟並放還北以功加侍中改封義陽郡公七年爲豫州刺史鎮壽陽薨贈司空諡曰威子玩嗣

黃閔

武陵人博學有詞藝撰沅州志唐章懷太子註郡國志取之爲証

黃元仙

豫章人隋末寓居沅陵天資純粹讀書尙德時因

縣西寡婦趙氏貌類亡母卽迎養於家日夕孝敬彌篤辰州刺史瞿君嘉其行以女弟妻之後薦其才德以自代隋亡乃棄官隱於縣西之羅山終焉

唐

**黃碭** 閩人也初爲閩小將喜學問軒然有志向同列有假其筆者碭怒曰是筆他日斷大事不可假後戰安南有功高駢表其能爲漳州刺史徙婺州有治績劉漢宏遣兵攻之兵寡不可守棄州去客蘇州董昌表威勝軍節度副使昌反碭諫曰大王拔起田畝席貢輸之勤致位將相非有勲業可紀今不能盡忠王朝乃自尊大昔桓文不敢侮周室曹操弗敢危漢王今王僻嬰一城乃爲大逆何邪碭請舉族先死不能見王之滅昌怒曰碭不順我邪斥出之碭移書幕府李滔曰順天建元以愚策之針可爲稍邪或竊其書示昌昌令使者斬之使以首至昌詎曰賊負我三公不肯爲而求死邪抵溷中夷其家百口坎鏡湖之南同瘞焉昌敗有詔贈司徒求其後不得

**黃顯** 字無頗宜春人韓愈爲州刺史頗師之爲文章與盧氏姓譜

卷十九

七陽

黃氏

吳

肇齊名素不相下頗鄉試高等而肇狀元及第會昌末頗亦舉進士爲監察御史有文千篇行於世

**黃洞源** 武陵人大歷間學道於桃源宮辰州巽柏延走武陵師事之尋遇一老遂辭洞源曰歸仙洞去洞源留之不可約十八年再見後洞源往澗州之矛山柏忽至洞源曰吾將踏滄海次日亦化温造爲記其事於桃源宮

**黃曾** 莆田人乾寧初舉進士善屬文有文集泉山秀句集  
**黃內** 歙縣人建中初繼母洪氏病刲股饋羹而愈貞元中父卒號泣不絕聲廬墓終身不舍墓側產芝及連理木刺史上其事詒旌其門

**黃桓** 邵武人居母喪廬墓三年有芝產墓側貞觀中旌表  
**黃玉** 上猶人天祐中補使院尋署上猶場猶民德其保障累功二十四年有司上其狀於南唐授銀青光祿大夫上

柱國賜紫金魚袋以壽終子孫顯於宋聯登進者八九人

**五代**

**黃嶺**連州人梁德龍初舉進士仕南漢官至尚書左僕射有桂香集行於世與宋齊邱桑維翰善每論天下事二人自以爲不及

**宋**

**黃中**字通老邵武人幼穎敏受書輒能成誦補族祖蔭入官紹興五年廷試以孝弟爲對其言動上心登乙科授保寧軍節度推官恬退有守不附權勢槍死詔爲校書郎歷普安恩平府教授久之遷司封員外郎兼國子司業有芝草生武成王廟祭酒周綰欲以聞中不答綰曰治世之瑞何可抑而不奏中笑曰世界治何藉此爲綰服其言簡當俄充賀金生辰使還遷秘書少監兼起居郎入對陳言邊

**氏姓譜**

**卷七十九**

七陽

黃氏

辛

事及備禦方畧金治汴官不久徙居宜早爲計湯思退惡聞其言顧謂之曰何沈介歸殊不言此中懼請補外不許尋權禮部侍郎金使本賀天申節遽聞欽宗之計朝議待使去發喪中馳白宰相此臣子至痛尙可濡滯乎國家大事萬一失禮謂天下後世何竟得如禮易月服除羣臣議上壽當舉樂疏言春秋君弑賊不討雖葬不書以明臣子之罪今梓官實未葬遽可作樂乎事亦寢不數月亮果大入中論淮西將士不用命請擇大臣督師時楊存中爲御營使中又論其不可敵旣臨江朝臣爭遣家逃匿中獨與陳康伯留城中敵退衆慚服擢給事中內侍遷官不應法諫官劉度坐論大淵罷去皆不書行尹穡希意詆爲浚黨改集英殿修撰告老進敷文閣待制致仕居六月上御講筵問侍臣黃中老儒今居何許名對內殿問勞甚渥拜兵

部尙書兼侍讀中前諫止作樂事去輒用之至是又將錫宴奏申前說適遣范成大使金以山陵爲請中言聖孝及此天下幸甚何獨欽廟梓宮置而不問上意漠然未歲乞歸又陳十要察邪正廣言路核事實節用度擇監司懲貪吏陳方畧考兵籍用人而不自用以公議進退人才上亟稱善求去益力除直顯謨閣提舉太平興國宮賜犀帶香茗尋以龍圖閣學士復致仕居鄉遇後生上謁必訓以孝弟忠信咸敬慕之朱熹來見再拜堂下願公坐受進於門弟子之列淳熙七年進端明殿學士卒年八十五遺表不忘欽宗梓宮請還之又深戒人主之權不可假之左右詔贈正議大夫諡簡肅有奏議十卷藏於家

**黃茂宗**字昌裔分寧人父中理築館於櫻桃洞芝臺間兩館游士常數百人故諸子多以文學知名茂宗高才篤行

氏姓譜

卷七十九

七陽

黃氏

至

爲兩館師太中祥符間國學試進士以木鐸賦主司拔王文第一而黜茂宗歸次尉氏遇翰林學士胥偃呈所對賦偃大驚拉與俱還以賦示主司曰使舉子能辦此何以處之皆曰王文不得爲第一矣偃以實告皆相顧歎惋因抱賦上殿有詔特收試禮部擢高第授崇信軍節度判官已而流落不偶卒於杭

**黃注**字夢升其先金華人後徙分寧兄弟皆好學尤以文章意氣自豪舉進士得丙科初任永興主簿調公安南陽素剛不苟合負其所有快快無所施卒以不得志死於南陽其文博辨雄偉意氣奔放不可禦平生所著有破碎集南陽集公安集凡三十卷

**黃祖舜**

福清人登進士累任至軍器監丞入對言銓曹專

用資格擢任縣令曷若委郡守選擇汰其尤無良者上然

之守屯田員外郎徙吏部出爲泉州通判將行上言經天下亂後多有抱道懷德之士老於韋布自今介州縣薦舉學行修明孝友純篤延之庠序以表率多士其有卓行尤異州以名聞是亦鄉舉里選之意下其奏禮部留爲倉部郎中遷右司權刑部侍郎兼詳定勅令司復兼侍讀進論語講義上命金安節校勘言其辭義明粹命國子監板行尋升給事中薦李寶爲帶御器械張浚薨其家奏留使臣五十餘人理資任以祖舜言乞爲限制遂詔勲臣家兵校留五之一戶部奏以臨安官田授汰去使臣祖舜又言使臣汰者一千六百餘人田僅一千一百畝給者不及其數事迄不行駁奏梁邦彥養子保義郎梁舜弼漢弼不宜並除閭門祇候修撰本以待文學知池州劉堯仁知新州韓彥直不宜倖升故資政殿學士楊愿陰濟秦檜中傷善類

氏姓譜

卷七十九

七陽

黃氏

五

不當予遺表恩秦熺預其父謀議不宜死贈太傅俱遷閣追奪有差陞同知樞密院事上以金亮犯淮怒劉汜敗王權走將誅之祖舜言論法固當但聞劉琦病篤素有大功一旦誅此二人錡必忿恨而死是兵一敗國家遽失三將大快敵人意上嘉納孝宗初拜參知政事卒於官謚莊定

**黃裳**字文叔隆慶府普城人少穎異能屬文登乾道進士調巴州通江尉益務進學爲文迥出流輩見者驚嘆蜀中苦和糴裳賦漢中行以諷總領李夔夔爲罷糴民便之改興元府錄事參軍制使留正薦名對遷國子博士母喪服除光宗進秘書郎嘉王府翊善首講春王正月言周之王卽今之帝王不能號令諸侯則王不足爲王故春秋書王正月所以一諸侯之正朔今之郡縣卽古之諸侯雖境土不比祖宗時十分之四然猶跨吳蜀聯荆廣帶閩越在民

事者二百州任兵事者九都統也苟不能統制則帝不足  
爲帝尙可以服之乎王問何謂九都統裳曰昔唐太宗年  
十八起義兵平隋亂今大王年已過之而國家九都統猶  
有未知其可不汲汲於學乎王以其言人所難堪惟我能  
受之又講左氏禮有等衰曰王者之學正當見諸行事聞  
東宮舊人吳端詣王王接之中節是得等衰之義矣王意  
益向學於是作八圖以獻曰太極曰三才本性曰皇帝王  
伯曰九流學術曰天文曰地理曰帝王紹運終以百官各  
述大旨歷引前代危亡故事以爲儆戒每日爲學之道當  
體之以心王宜以心爲嚴師遇有不安者不可爲也他日  
壽皇問所讀書王舉以對以爲太多王曰講官訓說明白  
臣心樂之不知其多也每誕節陳詩以寓規諷會初製渾  
儀並輿地圖侑以詩章欲王觀象則知天運之不息披圖

氏姓譜

卷七十九

七陽

黃氏

壹

則思祖宗之境土又以所講經爲詩以進王喜爲置酒手  
書其詩以賜壽皇諭曰黃翊善至誠所講須諦聽一日宴  
宮中王爲光宗誦酒誥有詔褒勞裳因薦朱熹學問臣所  
不及若名真府寮必有裨益上嘉納之紹興二年遷起居  
舍人奏自古人君不能從諫者其弊有三一私心二勝心  
三忿心事苟不出於公而以己見執之謂之私心此心一  
生必以諫者爲病而求以勝之勝心生必忿諫者爲仇而  
求以逐之因私而生勝因勝而生忿苟至於忿必有不得  
其理者如潘景珪常才陛下亦遇以常人特以臺諫攻之  
不已致陛下庇之愈力事勢相激乃至於此宜因靜察使  
心無所係則聞臺諫之言無不悅而黜欲勝之心待臺諫  
之心無不誠而鮮加忿之意矣三年試中書舍人疏論壽  
皇御極拊循將士三十年常恨不得効死以報陛下誠能

留意武事孰不感激願爲陛下用者請分鄂渚兵屯襄漢之間以張形勢而壯重地時以方宴安裳所言多不售未幾除給事中奏趙汝愚事父孝事君忠居官廉憂國愛民出於天性雖奴隸亦知其心如青天白日今御史汪義端再疏醜詆言其宗室不可執政所見殆奴隸之不如於是義端與郡在瓊闔甫一月封駁無慮十數韓侂胄落階官鄭汝諧除吏部侍郎皆繼其命改兵部侍郎不拜仍以顯謨閣待制充翊善嘗疏請光宗過官上起裳涕泣執其裾隨至宮門上曰內侍楊舜卿告朕勿過官裳請亟斬舜卿又奏陛下惑於人言未究孝敬之實疑心一萌方寸隨亂遂至天變亦疑而不知畏民困亦疑而不知恤疑宰執專權則不禮大臣疑臺諫生事則不受忠諫疑嗜慾無害則近酒色疑君子有黨則近小人凡此皆不須疑者莫不以

氏姓譜

卷七十九

七陽 黃氏

語

爲疑若乃貴爲天子不以孝聞敵國將輕而肆侮中外將起而爲亂小人乘間抵隙軍士或萌他志此可疑也而陛下則不疑顛倒錯亂莫甚於此袁初病疽尋愈至是憂憤疾作連章請外言臣職有三以待制言則前後三諫而不聽職可廢矣以侍講言則不問安視疾大義已喪復講何書以翊善言既不能孝事壽皇將何以勸勉皇子以上二職又皆可廢遂出關待命壽皇崩後臨畢病不能朝寧宗授禮部尚書兼侍讀力疾入謝奏左右迎合有二大憂陛下委任大臣正得人君持要之道而迎合者謂事決外廷權不歸上獎用臺諫正得祖宗設官之意而迎合者謂人主不得自由惟此二者能不拂然於心乎又切於陛下之身者三事曰篤孝愛勤學問薄嗜好今或勉強行之未知數年之後能保常如今日乎昔孔子云有始有卒者其惟

聖人乎由其持心之一也詩云鮮克有終者由其持心之不一也伏願自茲以往凡有除授必使大臣知之時侂冑已有弄權竊柄之萌趙汝愚尙未覺裳先事言之及病革時時獨語五年之功無使壞於一旦度吾已不可爲後之君子必有能任其責者遂口占遺表而卒年四十九上聞驚悼贈資政殿學士諡忠文裳簡易端純每講讀隨事納忠上援古義下揆人情氣平而辭切事該而理盡凡可以開導上心者知無不言且篤於孝友推賢樂善出乎天性爲文明白條達所著有王府春秋講義及兼山集論天人之理性命之源皆足以發明伊洛之旨于瑾太宗正丞兼刑部郎官孫子敏刑部郎官

**黃葆光**字元暉縣人從使高麗得官復試吏部第一賜

進士出身調齊州司理參軍還爲太學博士遷校書郎擢

氏姓譜 卷七十九 七陽 黃氏 五

監察御史左司諫始蒞職卽言三省吏猥多大弊有十如遷補升轉俸入賞勞之類非元豐舊制願一切革去徽宗卽命釐正一時士論翕然蔡京怒其異已密白帝降御筆云當豐亨豫大之時爲衰亂減損之計徒爲符寶郎明年復拜侍御史遼人李良嗣歸降擢秘書丞葆光論其五不可大槩言良嗣凶黠忿驚犯罪不赦旣於鄰國逃命妄作平敵等書萬一露泄爲患不細且中秘圖書之府豈宜參以猾賊又言君尊如天臣卑如地剛健者君之德其道不可屈柔順者臣之常其分不可亢苟致屈以求合則是傷仁非所以馭下也矯亢以求伸則是犯分非所以尊君也帝感悟命近臣於殿中讀其奏自崇寧後朝士多兼局如禮部局詳議官至七員檢討官至十六員製造局至三十餘員請裁省以上副明天子之意時皆壯之政和末帝以

歲旱爲念上疏陛下德足以動天恩足以感人檢身治事  
常若不及恭儉敦朴示天下先特以人臣無歸美報上之  
忠將順欽承之意如蔡京者後大過制背元豐之法彊恣  
自專不肯上承德意鄭居中余深依違畏避不能任天下  
之責此天氣下而地不應大臣不能尙德以應陛下之所  
求故不足以感名和氣疏入不報時京權勢震赫舉朝結  
舌葆光獨出力攻之遂中以他事貶知立山縣安置貽州  
京致仕名爲職方員外郎知處州當方臘亂後盡心牧養  
民列上治狀加直秘閣卒年五十八州人祠之

**黃龜年**

字德邵福州永福人登崇寧進士調洛州司理參

軍累官河北西路提舉呂頤浩薦爲太常博士靖康初拜  
監察御史尋轉吏部左司員外郎中書門下檢正諸房公  
事克修政局檢討遷殿中侍御史上疏臣聞盡事君之道

氏姓譜

卷七十九

七陽

黃氏

美

不過曰忠罪莫大於欺罔極輔政之道不過曰公罪莫大  
於壅蔽伏見秦檜還自金國陛下驟任不一年而超至宰  
輔乃不顧國家盜弄威福背公徇私附下罔上熒惑主聽  
合黨締交相與比周沮塞言路權柄下移刑賞僭濫其禍  
有不可勝言者帝乃罷其黨王暉王昞王守道改檜觀文  
殿大學士提舉太平觀旣而又奏檜奸狀暴露正合典刑  
投諸裔土以禦魑魅乃復寵以儒學上職俾優游琳館辟  
如律斷羣盜獨置渠魁夫思莫隆於父子義莫重於君臣  
不義則後其君不仁則遣其親檜厚貌深情矯言僞行進  
迫君臣之勢陽爲面從退恃朋比之姦陰謀沮格上不畏  
陛下中不畏大臣下不畏公議其無忌憚如此章三上遂  
褫檜職龜年復奏陛下以智臨而辨之早以剛決而去之  
速故端人正士舉手相慶蓋以公天下之同惡耳臣願速

發明詔以檜潛愚隱惡暴白於天下使知陛下數易相位  
真不得已庶能破姦臣之膽而朋比之風不復作矣尋除  
太常少卿累中書舍人兼給事中遇頤浩植黨傾檜引朱  
勝非奉京祠兼侍讀舍人吳安國持錄黃不下特命龜年  
書行議者譏其侵官檜復相劾其附麗匪人趣操不正落  
職居住卒年六十三龜年素尚名義任子恩先奏其弟之  
子衡仕至湖南提舉

**黃洽**

字德潤福州侯官人隆興元年以第二人及第授紹

興府觀察判官改宣義郎歷樞密院編修官通判福州奉  
祠名爲太常丞洽請外孝宗方厲精求治曰黃洽厚德方  
任以事不許當對奏三事曰備事莫若儲才士卒當練其  
心軍政在預謀畧願戒飭州郡毋煩擾以致寇輕易以玩  
寇若待擾而後定毀傷根本多矣由秘書著作郎兼侍御

氏姓譜

卷七十九

七陽

黃氏

七

史會水旱頻仍洽因祠祭上言此事全在陛下一念夙夜  
恭默專精在民身雖法官心則壇壝洋洋左右理非漠然  
洊歲荒歉之由必有未盡契神祇之心者上以諸路奉行  
荒政不力欲差官按視安集洽奏常平一司職專民事淮  
浙江東五路見有五使尙慮不能周知今遣一人兼二三  
路不過閱圖帳戶口多寡而已安能遍歷若專責常平名  
正而職舉事分而察精又奏藝租懲藩鎮偏重之失不欲  
兵民之權聚於一人今使主兵官兼郡寄是合兵權爲一  
且屬邊徼偏重尤甚孝宗嘉納除右諫議大夫上方銳智  
武藝洽因諷諫言頤之大象君子以慎言語節飲食故凡  
筋力喘息之間一有過差皆非所以頤養其身也在經筵  
言宰相重則朝廷尊朝廷尊則廟社安其要在爲國得人  
掄才任職必盡公心使君子進庶職舉天下當無不治上

首肯再三除御史中丞奏薦舉請託必競於宰執臺諫之門若使宰職臺諫不爲人覓舉則士大夫咸自淬厲以公道得之豈不甚善潭州奏強盜罪不至死者坐加役流洽議強與竊異若止髡役三年之後圈檻一弛豨突四出善良受害何可勝言况役時已去防閑之具走逸結合爲患尤甚詔從舊法尋除參知政事諭曰卿每告朕用人今當用人之際不可不勉因商榷除目罄竭無所顧避上大喜遷知樞密院事累章求去以資政殿大學士知隆興府光宗受禪應詔言用人爲萬世不易之論臣前以此納忠壽皇今復告於陛下無何予祠卒年七十九贈金紫光祿大夫洽質直端重有大臣體常言居家不欺親仕宦不欺君仰不欺天俯不欺人幽不欺鬼神何用求福報哉所論列未嘗攜摭細故孝宗嘗稱其言無非仁義忠孝可爲萬世

氏姓譜

卷七十九

七陽

黃氏

美

臣子之法又譬以爲良金美玉渾厚無瑕其見重如此有文集奏議八十五卷

**黃度**字文叔新昌人幼好學攻文秘書張淵稱其似曾鞏

登隆興進士知嘉興縣入監登聞鼓院轉國子監簿言今

日養兵救患之策宜使民屯田陰復府衛以免募兵上屯

田府衛十六篇紹熙四年守監察御史首言邇者太白晝

見犯天闕熒惑勾芒行入太微其占爲亂兵之象光宗不

聽又託已爲喻言臣父年垂八十菽水不親動經歲月事

親如此何謂移孝爲忠冀以感悟上心末言天下有道則

庶人不議今舉朝公卿大夫諫而不改閭巷小人妄議紛

然臣竊危之不聽遂出朝門寧宗卽位詔復職改右正言

韓侂胄欲排留正知度嘗與論事不合諷使擠之度不肯

具疏將論其姦爲侂胄所覺御筆除置顯謨閣知平江府

度固辭言蔡京擅權諫臣俛首天下所由以亂今侂胄假御筆逐諫臣使不得劾一言恐非國家之福趙汝愚袖其疏入白詔奉冲佑祠祿歸養俄起知婺州坐不發覺縣令張元敬贓罪降罷自是紀綱一變大權盡歸侂胄而黨論起矣然尙知嚴憚不敢加害除知泉州復辭進直寶文閣奉祠如故侂胄誅名爲太常卿兼國史編修論函侂胄首罪敵還泗州人五千以爲辱國非是尋權吏部侍郎兼修玉牒國史實錄院同修撰移疾改集英殿修撰知福州裁決訟牒日未中而畢進龍圖閣待制知建康府兼江淮制置使賜金帶奏罷科糶均輸招歸業飢民活九萬家除見稅二十餘萬擊降盜卞整斬胡海首以獻先時募雄淮軍收刺已十餘萬別屯數十未有所屬度憂其爲患給以錢遣復役遷寶謨閣直學士引年不許名爲禮部尙書兼侍

氏姓譜

卷七十九

七陽

黃氏

堯

讀入覲論藝祖垂萬世之統惟純用儒生務惜民力上納其言謝病丐去以煥章閣學士知隆興府歸越提舉萬壽宮嘉定六年進龍圖閣學士卒贈通奉大夫度志在經世以學業爲本作詩書周禮說著史通抑僭竊存大分別爲編年不用前史法至於天文地理井田兵法卽近驗遠可以據依無迂陋牽合之病推挽人物以爲已任每曰無以報國惟有此耳

讀

晴

字伯庸豐城人襁抱而孤外大母杜氏教之登淳

熙進士授祁陽縣簿有訴僧爲盜殺人者晴若疑其無證以白提刑馬大同已而得真盜大同薦之調柳州教授再任嶺外改靈川令會萬安軍黎蠻竊發經畧司選條畫招捕事宜謂須稽原始亂爲區處之方改知廬陵故事以六月督崎零稅晴若念民方艱食取任內錢三十萬代輸之

諸司舉爲邑最名赴審察差監行在都進奏院開禧元年  
都城火應詔上三急務曰賦歛無藝都鄙無法守令無狀  
遷太府簿兼吳益王府教授歷轉著作郎拜監察御史首  
論天子擇宰相宰相擇監司善爲國者必以恐懼修省之  
訓陳於前善爲相者必以危亡災異之事告於上會侂胄  
罷上章句去帝知其懷忠蓋不許時江淮督府罷不更置  
疇若奏和戰未決恐無以統諸將乞檢會前奏亟詔大臣  
爲宣撫使卽日以命卽崑尋遷殿中侍御史兼侍講上言  
帑藏無餘歲幣必取之百姓願自宮禁以及宰執百官共  
爲樽節詔置安邊所令侍郎沈誵條具節省拘催事曰疇  
若又乞依仁孝兩朝成訓先令內諸司內侍長自行搜訪  
在外委三省宰掾樞屬六曹長貳事干浮費者聞奏旣而  
內廷及酒所減省議多格獨得估籍姦贓及官司房廊激

氏姓譜

卷七十九

七陽

黃氏

卒

嘗庫四季所獻並侂胄萬畝莊等凡五項行之又乞類聚  
更化以來臣下章奏察其可行者以付中書時都城穀貴  
淮浙飢民交集始詔臨安府按籍賑濟以三月後麥熟爲  
限疇若奏乞覈實近甸之人有未能歸者更賑兩月家破  
極貧流民必難遽去限以六月又言湖廣黑風洞寇盜實  
由官司不爲決訟所致宜戒諸司申明法禁平心決訟勿  
令若官巡尉侵漁自軍興費廣朝廷給會于數多折閱日  
甚朝論頗嚴稱提民愈不售疇若奏物少則貴多則賤盍  
合郡縣先收十一界消毀勿支俟上下流通則不待稱提  
矣由是峻急之令少寬蝗災令舉刺監司不才者尙臺監  
考察疏乞崇忠厚延質樸屏絕浮薄之論又奏官吏苛刻  
科役頗併賦歛繁重刑法淹延四事又乞撥買官田充糴  
本以廣常平之儲令戶察一員專監安邊所帝皆是之疇

若廉知嘉定邊備廢弛而平戎莊子弟可用移檄其府權免本莊炭估麻租令子弟即日赴邊且選西軍往防蠻知有備乃退旣而兼制叙州兵甲公事得以專行益嚴守備蠻首昔丑降賞功進龍圖閣待制留蜀四年弊根蠹穴苗梲髮櫛乞揀留移屯西兵義勇以防竊發拔蜀守之有治功者爲東南監司更用東南賢士守蜀四路杜州縣姻婭之私輕錢引取貼之費以紓民力事皆施行太元城自張儀始築高駢修之歲久傾圯因以節縮餘錢四十萬貫爲修城備名遷兵部尙書太子右庶子兼詹事差知貢舉試禮部尙書以足疾乞歸提舉鴻慶宮至煥章閣學士致仕卒所著有竹坡集奏議講議經筵故事

**黃師雍**

字子敬福州人少從黃幹遊入太學登寶慶進士

累官知楚州密結忠義軍都統時青以圖李全秩滿恥出

**氏姓譜**

**卷七十九**

七陽

黃氏

李

彌遠門下調婺州教授學政以呂祖謙爲法平居慕徐僑有清望僑亦重之至闕累稱其賢李宗勉在政府力言於宰相喬行簡許以朝除適師雍以書見行簡勸其歸老行簡不悅請遂格除知龍溪轉運王伯大上其最宗勉召審察將至而宗勉卒時相嵩之密示相親意師雍不願遷糧料院院與相府密邇亦不領嵩之勢浸盛未有發其姦者博士劉應起首疏論之師雍與應起善故嵩之疑師雍連諷御史梅杞攻擊差知興化軍及應起入臺遷師雍宗正寺簿尋亦拜監察御史首疏劾金淵秩再斥趙綸項容孫史肯之復與正言李昴英侍御史章琰連疏乞竄嵩之帝勒令致仕直舍人院劉克莊言故事宰臣去國畀以貽職得守金紫光祿大夫觀文殿學士師雍謂元降御筆無觀文之命自克莊啟之効以朋邪顧望失身犯義免所居官

又乞籍嵩之家隸張叔儀皆從之未幾昂英琰復劾臨安尹趙與憲及執政陳韓夤緣爲孽帝怒鄭棠乘間劾罷昂英琰師雍又擊與憲腹心葉閻不報棠薦周坦葉大有入臺首劾程公許江萬里吳潛去之自是師雍孤立善類日危矣陳垓爲監察御史與棠等四人合謀去師雍會大旱求言牟子才李伯玉盧鉞指棠坦等爲起災之由坦等僞爲匿名書誣子才三人師雍於上前發其僞撰之迹謂匿名書律令所禁不知何由得至御前適鉞疏譽師雍棠指以爲黨帝不聽擢師雍左司諫師雍故與鄭清之同舍厚善然以劾其親劉用行魏峴清之心不樂坦喜曰吾得所以去之矣遣其婦日造清之妻曰彼去用行峴乃去丞相之漸也會帝將拜師雍侍御史清之沮之曰如此臣不可留乃遷起居舍人兼侍講力丐去清之猶冀其少貶師雍

氏姓譜

卷七十九

七陽

黃氏

奎

曰吾欲爲全人終不屈數月坦遂劾罷師雍以直寶文閣奉祠復起爲左史改江西轉運使遷禮部侍郎命下卒於官師雍簡淡寡欲靖厚有守言若不出口而於邪正之辨甚明故博采公論當官而行始終愛護名節無愧師友云

**黃補**字元章餘杭人少游太學第進士累遷太常博士輪對言周以輔翼之臣出任方伯漢以牧守之最擢拜公卿唐不歷邊任不拜宰相本朝不爲三司等屬不除清望官名臣若韓琦范仲淹龐籍皆嘗經畧西事久歷邊任始除執政貝州之變文彥博親自討賊乞於近臣中擇有時望才畧謀慮可以任重致遠者或畀上流或委方面使習知邊防利害地形險阨中外軍民亦將孚其恩信熟其威名遇天下無事取風績顯著者不次除拜以尊朝廷若邊鄙有警委以重寄俾專制方面出將入相何所不可上嘉獎

曰如卿言可謂盡用人之道矣升太常丞累遷直龍圖閣  
兩浙轉運副使辭改直顯謨閣浙東瀕海之田頃告旱澇  
黼言常平儲蓄不足請捐漕計貸之毗陵飢民取糠糶雜  
草根以充食郡縣不以聞黼取民食以進乞捐僧牒緡錢  
賑濟全活甚衆除中書門下檢正諸房公事歷遷侍御史  
權刑部侍郎以劉德秀論劾奉祠卒

**黃震**字伯起浦城人登進士累遷著作佐郎通判遂州時  
有詔給軍士錢東川獨未及軍士欲爲變震白主者曰朝  
廷豈忘東川耶殆詔書稽留耳主者以爲然卽開州帑給  
錢如西川衆乃定未幾詔果至震歷遷江淮發運使

**黃廉**字夷仲洪州分寧人登進士或薦之王安石以爲能  
辦新法白神宗召訪時務對曰朝廷立法之意初非不良  
四方推奉紛然不同如河朔被水河南齊晉旱淮浙飛蝗

氏譜

卷七十九

七陽

黃氏

奎

江南疫癘陛下旣不盡知兼以吏非其人所以法行而民  
病也帝旣命體量振濟東道除司農丞還報合旨擢利州  
路轉運判官爲監察御史裏行建言成天下之務莫急於  
人才願令兩制近臣及轉運各得舉士旣以名聞於上復  
令中書審其能而表用之則急才之詔不虛行於天下矣  
又言比年水旱民蒙支貸倚閣之恩今久飢初稔累給併  
償是使民遇豐年而思歉歲也請令諸道以漸督取之及  
論王中正任使太重俞充結中正致宰屬臣慮漸不可長  
河決曹村壞民田廬舍漂溺無算廉受詔安撫京東擇高  
地作舍以居分遣吏移給遠不能至者流民所遇賦糧質  
私牛棄男女咸與錢贖養丁壯以力充顧凡所活二十五  
萬加集賢校理提點河東刑獄遼人求代北地分水畫壩  
廉謂失中國險固啟豺狼心其後契丹果冒取不耕地下

臨鴈門父老以爲恨中正發西兵用一調二廉言民腴剝至骨斟酌不乏興足矣忍自竭其根本邪旣而大軍潰嫁罪於轉餉廉詣上黨對理貶秩元祐元年召爲戶部郎中時陸思閔茶法爲川陝害遣廉按察之廉上言陳其弊朝廷可其議使以直秘閣提舉明年還爲左司郎中遷起居郎集賢殿修撰樞密都承旨上官均論其往附蔡確爲獄改陝西都轉運使終給事中五十九

**管**

字子耕隆興分寧人嘗從郭雍朱熹學熹深期之而

管亦以道自任反復論辨必無所疑然後止由太學登第爲瑞昌主簿監文思院除知盧陽縣五溪獠獷悍爲詩諭之獠感悅莫敢違教轉通判處州經總餉有額無錢俗號殿最綱管會十年中成賦酌取之闕免逋負錢額鈞等遂以最聞遷主管官告院累大理寺簿軍器監丞歲餘三轉

氏姓譜

卷七十九

七陽

黃氏

奇

管獨憤時不樂間行西湖慨然嘆曰我昔在南北山一水一石無不品題今無復情況何耶旬外得知台州先勸導後禁令訟牒清簡郡以大治立濟糶倉抵當庫俶安濟坊以居病囚葬民之樓寄暴露者葉適謂管條目建置憂民如家謝良佐子孫播越流落管求之民間收而教之遷知袁州因哭從弟得疾卒所著有復齋集

**龔**

字直卿閩縣人父瑀高宗時爲御史以篤行直道聞

龔初見劉清之奇之曰子乃遠器時學非所宜也因令受業朱熹龔歸白其母大雪卽日遣行旣至值熹他出因留客邸二月熹歸始得見龔夜不設榻不解帶倦則瞑坐微倚或遂達曙熹常曰直卿志堅思苦與之處甚有益後張拭亡熹與龔書曰吾道益孤矣所望於賢者不輕因妻以女寧宗初熹命奉表入謝恩補將仕郎銓中授迪功郎監

台州酒務母憂廬墓從而講學者甚衆熹竹林精舍成遣  
翰書有他時便可請代講席之語及編禮書屬以喪祭二  
編藁成熹覽而喜曰所立規模次第纘密有條理他日當  
取家國王朝禮倣此更定之病革以深衣及所著書授翰  
手書與訣曰吾道之託在此訃聞持心喪三年畢調監嘉  
興石門酒庫時議興兵吳獵將赴湖北鎮訪以兵事翰策  
其必敗獵雅敬翰名德辟爲荆湖北路安撫司準備差遣  
事有未當必輸忠款力爭江西提舉趙希憚知撫州高商  
老共辟爲臨川令改知新淦吏民習聞政善不合而行又  
薦擢通判安豐軍淮西帥檄翰訊和州疑獄至則具得其  
殺人投井狀囚驚服尋知漢陽軍歲飢多方賑貸賴及旁  
郡民大悅所至重庠序先教養卽漢陽郡治後棲鳳山爲  
屋館四方士立周程游朱四先生祠以病奉武夷觀祠尋

氏姓譜

卷七十九

七陽

黃氏

奎

起知安慶值金兵破光山沿邊多警翰奏請築城以備戰  
守城分十二料先自築一料計其工費然後委官吏寓公  
士人分料主之日五鼓坐於堂濠砦官入聽命授以一日  
成算畢乃治民事理詞訟接賓客閱士卒會僚佐講究邊  
防利病巡城視役晚入書院講論經史城成士民扶老攜  
幼詣謝後金人破黃州淮東西皆震安慶按堵如故繼而  
巨浸暴至城屹無虞舒人德之相謂曰生汝者黃父也制  
置李珣辟參議官辭不赴旣而朝命與徐僑易和州且令  
赴制府稟議翰先移書言時相誅侂冑後專用左右親信  
之人至於軍政不修邊備廢弛皆此曹爲之若更不改圖  
大事去矣又言爲今之計當用兩淮之人食兩淮之粟守  
兩淮之地其策當先明保伍立堡砦蓄戰馬制軍器不過  
累月軍政可成不則邊境日見荒墟卒有警急將有身悍

者伺變竊發攘臂而起矣丑不能用與同往維楊視師幹  
言敵旣退當思所以賞功罰罪如崔維楊能於清平山立  
義若斷敵右臂方儀真能措置捍禦不使軍民倉皇奔軼  
此所當薦者劉倬泗上之敗罪當斬某州官吏攜家奔竄  
可追而治之時幕府多輕儇浮靡之士幹知不足與共事  
還乃再辭和州之命俄再命知安慶力辭不受就入廬山  
訪友與李燔陳宓盤桓玉淵三峽間俛仰白鹿舊跡講乾  
坤二卦山南北之士皆來集未幾召赴行在除大理丞不  
拜御史李楠劾歸鄉里弟子日盛巴蜀江湖不遠而來質  
疑請益編禮著書日不暇給講經論理壘壘不倦俄命知  
潮州辭乞致仕授承議郎沒贈朝奉郎諡文肅廕一子下  
州文學有經解文集行世

氏姓譜

卷之九

七陽

黃氏

亥

擢第教授隆興府知德化縣以興學校崇政化爲本歲飢

振給有方王藺劉穎薦監登聞鼓院光宗卽位遷太常寺  
簿論今禮教廢闕請勅有司取政和冠婚喪葬儀及司馬  
光高閭等書參訂行之除太府寺丞出知常州提舉本路  
常平值歲飢民伐桑柘毀室廬餓孳盈野至或食其子而  
州縣方督促逋欠灑見之感然有旨倚閣夏稅乞併闕秋  
苗不俟報行之言者罪其專移筠州已而削兩秩從其蠲  
閭之請灑遂歸幅巾深衣往來匡山間若素隱者尋起知  
信州改廣西運判廣東提刑皆不赴熹守南康灑執弟子  
禮質疑問難熹沒單車往赴徘徊不忍去者久之致仕卒  
黃氏簡字明舉福州人父延丕事王審知甚被親遇妻以  
王延鈞女後歸錢氏至光祿卿夷簡少孤好學有名江東  
爲明州判官隨俶來朝授秘書少監元帥府掌書記賜襲

衣器幣鞍馬加倉部員外郎俶薨始歸朝累遷考功員外都官郎中掌名表頗稱得體至道二年上書願備館職命直秘閣俄判吏部南曹咸平中名試翰林遷光祿少卿景德中任滿被病真宗重夷簡詞學且年老母在特命續其廩祿祥符初遷秘書少監內艱遣中使賻問許護喪歸服除檢校秘書監終平江軍節度副使年七十七爲人喜談論善屬文尤工詩詠老而不輟

**黃**字清臣浦城人少時母夢星殞於懷搦而吞之自少奇穎過人年十五以文謁學士章得象奇之遊錢塘有贈處士林逋詩爲逋所激賞王隨知杭州奏禁西湖爲放生池亢作詩數百言以諷人爭傳之亢狀貌短小不飾小節對人野率如不能言然嗜學彊記文詞奇偉旣卒鄉人類所著爲二十卷號東溪集

氏姓譜

卷七十九

七陽

黃氏

卷

**黃鑑**字唐卿浦城人少敏慧過人舉進士補桂陽監判官爲國子監直講楊億善其文延置門下由是知名累遷太常博士國史編修預後苑賞花賦詩上稱其工國史成擢直集賢院以母老出通判蘇州卒

**黃**字景微建安人少通經聚書數千卷學者多從之遂自號贅隅子著欬欬瑣微論十卷謂贅隅者枿物之名欬欬者歎聲瑣微者述辭也石介在太學遣諸生以禮聘召不出韓琦表薦除爲太學助教受命一夕卒

**黃**字長善分寧人博學彊記超敏過人試開封禮部皆第一聲動京師所作程文傳誦天下比引試以疾不入天子遣內侍卽邸舍撫問賜以藥劑歸江南病卒

**黃**字魯直分寧人幼警悟讀書數過輒能成誦舅李常過其家取架上書問無不通常驚以爲一日千里擢進

士調葉縣尉熙寧初舉西京學官第文優等教授北京國  
子監留守文彥博才之留再任蘇軾一見歎曰超軼絕塵  
獨立萬物之表世久無此作矣由是名動海內知秦和縣  
治以平易時課頌益策諸縣爭占多秦和獨否吏不悅而  
民安之哲宗召爲校書郎神宗實錄檢討踰年遷著作郎  
集賢校理實錄成擢起居舍人庭堅性篤孝母病彌年晝  
夜省視衣不解帶及亡廬墓下哀毀得病幾殆服除爲秘  
書丞提點明道宮兼國史編修縮聖初出知宣鄂二州章  
惇蔡卞罪實錄多誣令史官待問首及鐵龍瓜治河之事  
庭堅直辭不屈聞者壯之貶涪州別駕安置黔州以親嫌  
移戎州泊然不以介意蜀士愛慕多從之游爲講學不倦  
凡經指授下筆皆有可觀徽宗起監鄂州稅以吏部員外  
名辭不行因丐郡知太平州到任九日罷主玉龍觀嘗在

氏姓譜

卷七十九

七陽

黃氏

奕

河北與執政趙挺之微隙判官陳舉承風旨上其作荆南  
承天院記指爲幸災復除名羈管宣州三年徙永州未聞  
命而卒年六十一生平學問文章天成性得尤長於詩陳  
師道謂得杜甫法羅從彥謂自黔以後句法尤高筆勢放  
縱實天下奇作宋興以來一人而已書善行草楷法自成  
一家與張耒趙補之秦觀俱游蘇門稱四學士蜀與江西  
諸君子復舉以配軾故世稱蘇黃軾亦嘗舉自代稱其瓌  
偉之文妙絕當世孝友之行追配古人其素重之如此初  
游灑皖山谷寺石牛洞樂其林泉之勝因自號山谷道人  
**黃伯思**字長睿饒州司錄應求之子生而體弱如不勝衣  
風韻洒落飄飄有凌雲之意自幼警敏日誦千餘言每聽  
祖履講論經史退與羣兒講說無遺誤者嘗夢孔雀於庭  
覺而賦之詞采壯麗以履任假承務郎登元符進士調磁

州司法參軍內艱服除改河南戶曹治劇不勞而辨秩滿  
留守鄧洵武辟知右軍巡院生平好古文奇字篆隸行草  
飛白皆臻妙絕得其尺牘者多珍藏洛下公卿家商周秦  
漢彝器欵識悉能辨正是非道其本末遂以名家凡字書  
討論備盡嘗病淳化間待詔王著續正法帖伯思以爲乖  
僞龐雜乃考引載籍咸有依據作刊誤二卷又二年除詳  
定九域圖志所編修官兼六典檢閱文字改京秩尋監護  
崇恩太后園陵掌管箋奏以修書恩升朝列擢校書郎未  
幾遷秘書郎縱觀冊府藏書至忘寢食自六經及歷代史  
書諸子百家天官地理律歷卜筮之說無不精究凡詔講  
明前世典章文物古器考定真贋與聞議論發明居多一  
時館閣自以爲不及也宿抱羸瘵因父喪轉甚服除將至  
京夢人告曰上帝命典文翰覺而書之卒年僅四十生平

氏姓譜

卷七十九

七陽 黃氏

亮

頗好道自號雲林於詩慕李白文慕柳宗元有文集五十  
卷翼騷一卷二子諡右宣教郎荆湖南路安撫司書寫機  
宜文字譜右從事郎福州懷安尉復檢其父平日議論題  
跋爲東觀餘論三卷

**甫**字龍友平陽人自少不羈入太學語同輩曰大丈夫  
不能爲國立功亦造化中贅物耳因投筆西遊邊帥劉法  
奇之延致門下常爲詩以弔高永年之死後恤典不及永  
年其子以友詩進徽宗覽之遂加贈諡友亦免省試賜進  
士第歷永嘉瑞安二簿有政聲方臘起檄友同諸將收復  
所至披靡發寇復作友請往諭之次浦江賊望風解去復  
單騎次武毅賊衆持釘一楹置其前友正色叱曰汝等何  
速死邪賊首李德壯之亟磨退一境貼然發人圖像以祀  
權通判澶州會郭藥師叛燕士響應友獨率兵數千與賊

躬冒矢石唇齒破裂欽宗卽位制使詹度奏友以服武事  
籌畧過人丞相何桌薦之名對上爲稱歎費予甚渥進直  
徽猷閣制置司參謀官同种師中解太原圍復遣兵三千  
奪榆次糧萬斛明日大軍進榆次十里止舍友亟白師中  
曰營地非利將三面受敵師中不聽迨曉兵四合矢石如  
雨益以鐵騎衝突將士奔潰友被執金人逼降之友不屈  
厲聲大罵遂遇害帝書忠節傳家四字旌其閭官其後八  
人友體貌英偉謀畫機密出人意表忠誠許國根於天性  
嘗語子弟曰天下承平日久武事玩弛萬一邊書告警吾  
必死國難他日收吾骸以足心黑子爲識後果如其言

**黃忠**字帥是陳州人章惇之甥登進士歷司農主簿提舉  
京西淮東常平元豐末議罷提舉官惇屬蔡確徙提點開  
封縣鎮歷遷京東河北轉運副使惇罷林希言其在陳與

氏姓譜

卷七十九

七陽

黃氏

七

蘇轍友善兩女皆嫁軾子所爲不正不宜用哲宗以知陝  
州久之陞江淮發運副使賀逾主登位還除太僕卿擢寶  
文閣待制知瀛興定州朝旨籍民兵旁郡因緣因寔懷  
檄不下爲條畫利害上請事遂得免俄卒於官贈龍圖閣  
直學士爲人孝友敦睦以內行稱因惇故獲免黨禍

**黃文政**淮人戍蜀軍潰間道走靜江鳥壘邀同守城破被  
執大詬不屈元人斷其舌以次剝削之文政含糊叱咄比  
死不絕聲

**黃人豹**

字彌大東平須城人曾祖孝綽有隱德號潛山先

生父勝通判濟州母劉氏有丞張言之妹歲在子夢鼠銜  
珍珠寤而生約長登進士調鄆城縣簿遷曹州軍事判官  
郡守誤盜竊爲強闕實得免擢禮部員外郎兼翰林修撰  
升待制出授磁州刺史復召爲翰林直學士因獲盜歛伏

審錄不至卽多庾死謂非正法請待盡讞而行尋授左諫  
議大夫兼禮部侍郎爲賀宋生日副使至日正館伴適病  
議欲以副伴代正伴辭曰設副伴亦病又將誰使乃令正  
使前行已與副伴聯騎終禮而還朝議百姓貧富不均欲  
令富民分貸貧者爭曰貧富不均此理之常卽欲捐有餘  
補不足不應如是章宗時頗有相趨其所言尋上章請老  
諫諭卿忠直敢言匡益甚多未可便去左右遷太常卿仍  
兼諫職時郡縣多闕官久約奏言世豈乏材闕於資格明  
詔每責大臣人材愈滯乞斷自宸衷而力行之世宗曰此  
事不屬意宰相而使諫臣言之歟卽日授刺史者數人章  
宗卽位建言入事國富民貧本輕末重任人太雜吏權太  
重官鹽價高坊場害民選左右擇守令皆嘉納之乞休不  
許優授橫海軍節度使明昌二年致仕卒久約雋朗敢言

氏姓譜

卷七十九

七陽

黃氏

七

性友弟爲文典贍有外祖之風

**黃**字東發慈溪人登寶祐進士調吳縣尉攝縣及長洲  
華亭皆有聲常平王華甫辟主管帳司文字華甫病革猶  
贊之強起劾罷貪守三人改辟提領鎮江轉般倉分司入  
爲贍軍酒庫所檢察官洩史館檢閣預修寧理兩朝實錄  
輪對言民窮財匱乞罷給度僧道牒其徒老死卽收其所  
入可紓民困時宮中建內道場故首及之帝怒批降三秩  
卽出國門用諫官言得寢出通判廣德軍初孝宗頽朱熹  
爲本橫取於民議者以自朱熹不敢變震曰不然法出於  
堯舜三代聖人猶且變通安有儒者爲法不思揀其弊耶  
爲別買田六百畝以其祖代社倉息約非凶年不貸而貸  
者不敢息民甚便之郡有淫祠山廟震悉杖而禁之賈似

道從子蕃世爲守驕縱不法震數與爭論蕃世疏震撓政  
解官尋通判紹興獲海寇僇之撫州飢擢爲知州震單車  
疾馳之官法嚴惠流米價日減餓者煮粥食之勞者請爲  
賞於朝所全活亡算轉運司下州糶米七萬石震曰民不  
堪重困以沒官田三莊所入應之稍閒則補刻六經儀禮  
修復朱熹祠樹晏殊里門新舊學造社稷祭器復風雷祀  
勸民種麥禁競渡船善政畢舉諭增秩提舉常平倉司有  
結闕拒捕事闕尙書省繫獄久無敢決震謂結闕猶他郡  
結甲非作亂比况已經數赦令釋之新城光澤二界民夾  
溪而處歲忿鬪爭魚知縣蹇雄擾之因相結焚掠民居震  
劾罷雄諭其民散去慈幼局名存實亡震爲損益舊法有  
貧者當婉許里胥請於官贍之成活者衆定役法先令縣  
覈民產業不使下戶受抑於上戶又大興水利豪右所占

氏姓譜

卷七十九

七陽

黃氏

三

廢陂壞堰悉復之收提點刑獄決滯獄清民訟赫如神明  
俄以言去奉雲臺祠似道罷召爲宗正寺簿移浙東提舉  
常平兼判紹興福王府長史固辭不拜嘗語人曰非聖人  
之書不可觀無益之詩文不作可也居官恒未明視事事  
至立決自奉儉薄人有急難則周之不少吝所著有日抄  
一百卷卒門人私謚曰文潔先生

黃勗

字直卿鳴珂里人大中祥符四年進士歷朝奉郎尙

書度支員外郎集賢校理知郴州軍事兼管內勸農營田  
事輕騎都尉賜緋魚袋在官有聲聞人傳誦焉入祀鄉賢  
黃龜鼎字壽卿寧遠縣人登淳熙進士授祁陽令時柎寇  
就殄創桂陽縣臺闡檄公督之功成使爲桂長其治政無  
擾民猺相安遷吉水令終奉議郎

黃沃

莆田人初爲轉運判官慶元丙辰知邵州重葺學官

殿閣堂廡庖瀆垣墉或造或因盡復濂溪之舊

**黃人**與周仲華俱為江華縣令宋童碩孫江華縣令題名  
記曰黃奉議之申減役錢周寺正之奏減二稅民到於今  
受其賜甘棠遺愛有口皆碑

**黃應龍**南城人寶祐中為衡山令以古道自處節用愛人  
民甚安之祀名宦

**黃莘**清河縣令是時莘與南宮令劉摯信都令李冲皆以  
治行聞為河朔至令

**黃高領**知興化縣安集人民縣治以次修舉凡學校倉庫  
有關政治者悉為創建邑人和之

**黃觀象**本江夏人曾祖為資興令因家焉觀象居父母喪  
哀毀踰禮廬墓六年墓側產芝朝廷粟帛蠲徭役以旌之

**黃由庚**乾道中知南康縣猾胥奸民表裏黃緣由庚正其  
**氏姓譜** **卷十九** 七陽 黃氏 七

詭狹破其囊橐於是田里晏然復置田以贍學宮士民為  
立祠祀之

**黃慶**新昌人景定初進士官至贛縣尉少與姚勉胡仲  
雲劉元高齊名號錦江四俊嘗詣書庫借其籍一覽而焚

之各具紙默疏纖悉無遺夢爰後與姚龍起俱守義以終  
**黃伯固**字子高將樂人嘉定中知上高縣抑強扶弱姦豪

屏迹詭寄隱匿搜抉無遺去之日餘三千緡悉留縣庫  
**黃誥**字君謨平江人熙寧三年進士為長沙簿章惇開梅

山請增畝稅誥力言罷之後知益陽縣有政聲居喪廬墓  
芝生塋祠凡百餘本事聞哲宗賜帛五十匹後知歙建州

移湖南提刑官至太府卿  
**黃輔之**乾道中知上高縣適早閱視民田凡災甚者悉蠲

之且曰寧得罪州郡毋得罪吾民抗章自劾朝廷從其請

**黃** 建炎間鍾相陷澧州琮爲州守與澧陽縣丞葉會及其屬十餘人皆戰死朝廷褒贈之

**黃甲** 井研人開寶初進士授德安尉調樂安丞廉謹有聲元兵拔撫州索降狀樂安令率其僚屬踰署以上申獨抗不往吏民強與致之申陽死令無如之何申有惠愛至暮衆昇入真中堂得免遂去隱巴山以終

**黃** 浦城人爲監察御史首陳七歲在臺十月風節凜然所著有奏議等書二十卷

**黃宗** 惠安人總角日祖禹錫命賦早春詩有就中喜是龍門客躍出洪波只待雷之句當時皆器重之後第進士累官知襄州有文集十卷

**黃** 南城人大中祥符間進士流落銓調二十年嘗謂大丈夫立世當自奮拔豈能碌碌出人門下通判廬州轉運

氏姓譜

卷七十九

七陽

黃氏

黃

使陳杲以威攝下吏有訟杲者朝廷遣曉鞠之人皆危曉謂屬部勢不可問曉治之以理畧不爲意識者歎服累官至職方員外郎

**黃** 淳祐中知南豐縣政尙平易毫髮不私有西漢循吏風去任父老兒童遮道泣別者數千人

**黃** 字季章永嘉人知玉山令有惠政嘗以檄出民皆驚憂以爲遂去及還老幼歡呼已而任滿留之不獲乃立祠繪像以祀之

**黃** 臨桂人紹興間舉進士調富川尉迎父就養會曹成寇起齊懼遣親憂自奮擒獲七十輩縣以安堵累遷知昌化軍賜對具言桂材多峻秀而賓興之數狹地瘠民貧而折納之輸重詔增鄉貢減軍輸邦人利之

**黃** 皇祐間儂智高叛狄青薦遠爲全州駐泊都監戰於

歸仁舖達爲先鋒擊賊大敗之

**黃漢** 靈山人元符初進士崇寧初授密州文學後權知鬱  
林州宣和末以選赴京會金人入寇漢率在部官奔詣南  
薰門聯表留駕已而奔南京奉表勸進高宗壯其忠擢權  
兵部侍郎建炎三年戰沒贈秘閣修撰官其一子

**黃朝奉** 景德初知高州遷劄郡學校養生徒居民以茅竹  
爲廬舍常有火患始教民造瓦屋力不給者以官錢助之  
**黃公度** 紹興中判肇慶府治事之餘以讀書著文爲樂及  
還詢以嶺外弊事公度曰廣東小郡有十年不除守臣者  
權官苟且郡政廢弛民受其弊高宗曰若撥歸吏部當無  
此弊遂以公度爲考功員外郎

**黃濟** 紹興中知新州種笏竹爲外城環袤千二百餘丈胡  
寅爲記稱其政蹟甚詳

氏姓譜

卷十九

七陽

黃氏

七

**黃去私** 臨州人氣槩豪爽著屯田議爲朱子所知學專行  
確守師訓不變執親喪行古禮黃榦嘗曰學問之士雕零  
殆盡江西則甘吉甫黃去私數人耳

**黃伸** 邵武人嘉祐中進士邵武諸黃惟伸與兄僅弟侑齊  
名時比河東三鳳官至太僕司農卿子滂沔沂俱爲顯官  
**黃希旦** 長樂里人號支離子居九龍觀翛然有出塵之志

熙寧五年作五福宮成希旦以戒行清靜名至京師後二  
年化形於太一宮後復見於蜀有詩寄友人曰昔遊西太  
一今日返成都若問去來事雲藏月影孤

**黃通** 邵武人嘉祐初進士韓琦范仲淹薦其材除大理丞  
每浩歌長嘯衆目以爲異人有爲元夕燈詩誰將萬斛金  
蓮子撒向皇都一夜開通以語詞未壯自作云秦樓十二  
玉梯橫紫府千門夜不扁疑是嫦娥弄春色彩雲移下一

天星其雄俊如此

**黃應** 莆田人初名降治平中進士爲國子司業力排王安石新經取其板火之

**黃鏡** 知清流縣修學養士興利除害適有鄰寇作亂相戒曰彼有善政慎勿犯去任時老稚攀轅數日始得出境

**黃子游** 知池州論青陽縣苗稅多於諸縣悉蠲減之

**黃成** 紹定間知南雄州教尙教化初久旱歲至禱而有感兩三日歲大熟民苦賦役之重奏蠲之邦人爲立生祠

**黃勳** 南海人家貧好學凡聖賢格言躬自抄錄紹興初舉進士知新昌縣有政聲累官至朝散大夫

**黃顯** 嘉定間知南雄州詢民疾苦增修凌連二陂邦人利之及去民不忍釋

**黃陽** 知崇德縣縣治自罹建炎兵火鞠爲茂草寄治廣法院者二十餘年楊至始建縣治區處有方民不知擾

**黃庶** 長洲人舉進士第一累官刑部尙書兼直學士院侍御史張巖奏其植僞黨與遂奉祠嘉定間起爲浙東安撫使仍官刑部尙書兼直學士院卒贈少師

**黃得** 豐城人舉進士爲柳州推官建中靖國初應詔言持平守正如彭汝礪葉濤之徒當省其言子彥輔著論是非刊落陳言歷官所至有聲次山幼警敏歷官吏部員外郎數論事補外提點湖南刑獄所著有餘集

**黃典** 衡陽人資質方正嘗以善行誨人長子師道仕爲屯田郎中次子師旦爲屯田員外郎皆以清白才幹聞

**黃師** 桂陽軍平陽人舉進士爲職方郎中嘗讀書於郡西芙蓉山石林亭鄉人號爲職方岩

**黃汝楫** 諸暨人家頗富宣和中方臘犯境汝楫以財物二

氏姓譜

卷十九

七陽

黃氏

吳

萬縉贖賊所掠士女千人夜夢神告曰上帝以汝活人多賜五子科第其後子開閣閩閩皆登科

**黃氏譜** 字季岑庭堅族子宣和元年試國學第一以庭堅名在禁錮復抑置第四歷信陽州學教授池州司理參軍靖康初遷博士坐與李綱厚善謫監虢州銅場建炎二年擢尚書員外郎未幾撫御京東西路使還乞外補遂知筠州又乞監當以歸丁內艱終喪復吏部郎官入對力陳日食之咎又進校旗大閱之法會金兵大至淮南告捷次山言策功行賞勸沮所係因條上三策乞解六將軍逗留者之節鉞授偏裨立功者朝廷既罷劉光世兵枋命呂祉代之次山言光世固可罷祉雖若可用然統師御眾非其所長其言卒驗靖康以來號為宗程灝兄弟學者不能深明其旨轉為迂怪紹興初諫官極論其弊有旨戒飭學者次

山時權禮部郎官與侍郎董棻爭之於朝事雖直而謗議起矣出提點荆湖南路刑獄居數月以言罷主管亳州明道宮凡九年卒

卷七十九

七陽

黃氏

七

**字富善**分寧人庠之弟學尚氣節皇祐進士為京兆法曹將謁府賓吏告曰法曹庭參拜庭下此例也靡不可解冠裳於庭而去隱居芝臺書院子準博洽工詩有雲樵居士集

**字幾復**南昌人熙寧元年同學究出身知四會縣新興民岑探為機鬼惑眾新州捕其家繫獄探誑言吾能三呼陷州城從者數百至城下言不效皆散新州聲張以為豪賊挾眾攻城經畧使遣將童政捕斬官軍所過薪水行商皆殺之介自陳於經畧請以所領士丁不隸部曲且言政言所劾首級莫非王民荼毒之禍百探不足云

**元明**字元明分寧人庶之子紹聖間知萍鄉縣或諷其過慈大臨曰字民令職也豈其操三尺與百姓讎敵哉徙知龍泉其治如萍鄉秉法自持私謁不入提舉張根行部雅聞其賢折節禮下之

**字知命**庭堅弟雅負音節人有臭味投者推挽之不遺力意所不可雖衣冠貴人亦唾辱之與彭城劉師道友善嘗之京師同師道謁法雲禪師於城南夜歸過龍眠李伯時叔達著白衫騎驢道中搖頭而歌師道負杖挾囊於後一市皆驚以爲異人伯時素善畫因寫爲圖邢惇夫作夜歸圖詩以歌咏之叔達小詩樂府皆清麗可愛有詩四十首附見山谷集中

**字嗣深**分寧人廉之季子元祐進士乙科累官廣東轉運判官兼提舉市舶上疏言嶺表地偏冬無霜雪瘴

**氏姓譜**

**卷七十九**

七陽

黃氏

庚

癘所鍾其所產不足以奉王食再三力請爲奸黨蔡熹所中免官未幾復職徙荆湖北路轉運判官廉訪使時李滋怙勢侵擾州縣叔敖以奸狀聞詔鞫得實竄滋衡州中人側目紹興初除給事中上疏論朋黨未革不可以爲治比來上封事者頗有告奸細故摺撫隱匿非求言本意除兼侍讀遷戶部侍郎進尙書以通議大夫致仕所著有文集十卷春秋講義三卷奏議十卷

**字伯彊**

豐城人得禮之子政和進士善著論刊落

陳言歷官所至有聲事辦而不擾陳瓘謫合浦彥輔以書慰之瓘答書曰長沙問鵬不如忠州論藥三復來示吾無間言爲人豪爽醞藉嘗在京師樊樓酒酣賦月詞十篇皆以望江南歌之都人聚觀謂謫仙墮世明月詞傳禁中後爲吉水令卒

**黃**字子默分寧人官至朝奉郎有詩名張安國推作江西從社頭有澗壑詩集並詞行於世

**黃**字正仲疇若子以祖覃爲江州征官歷上饒廬陵縣丞補授茶陵時賊起桂東高垓峒踰月破安福安仁又入茶陵焚掠未及城五里端卿求援諸司未報勢益急乃部分兵士遏截之明日率兵擊賊賊却乘勝以進兩暴至賊大集執端卿使前導入城端卿叱曰我爲軍使恨不勦汝豈從汝害百姓遂遇害事聞詔立廟雲陽門賜額忠顯

**李修**已嘗稱其讀書自具一隻眼議論不隨人腳根爲文筆力奔放嘗作賦以莊周馬遷自况有留皮集

**儒舉**以參五事配六極則失之妄作皇極要論謂古今地

**氏姓譜**

**卷七十九**

七陽

黃氏

七

理無一定之形神禹疏河之故道蕪沒而難考作禹貢圖說雜著尤多

**字剛**中分寧人意氣卓越善兵法帥鄉兵登龍安山爲保聚計元兵至砦介堅守不去謂家童陳力曰爾盡力勿走力曰主在死生同之介身被鏃如蝟面頸腹中十三矢倚柵而死力亦死妻劉被掠子用中獲免及長求母逾十年得於京以歸州里稱黃孝子云

**黃**萍鄉人靖康初太學生從陳東伏闕上書請誅蔡京及用李綱退詣開封責府尹王時雍曰初以尹獻熙豐十事將喜有爲乃今奸邪如此時雍唯唯執政者見嘉輩論事曰諸公日止食國家二升米耳吾徒有愧多矣後終廉州司法參軍

**元**

**黃如**江西儒人也順帝至正五年遣官宣撫諸道問以疾苦奉使者多不職如徵走京師邀駕上書帝覽書色喜慮爲權豪所中顧近官館穀於外越數日特授江西等處儒學提舉敕侍衛護之出都如徵受命不領職天下共賢之

**黃澤**字楚望其先資州內江人五世祖拂與二兄播揆同年登進士蜀人榮之父儀可累舉不第隨兄驥子官九江蜀亂不能歸因家焉澤生有異質慨然以明經學道爲志好苦思屢致成疾疾止復思久之如有所見作仰高鑽堅論以自廣蜀人治經必先古注疏澤於各物度數考覈精審而義理一宗程朱作易春秋二經解三禮祭祀述畧成宗大德中署江州景星書院山長已移洪州東湖書院受學者益衆初澤屢夢見夫子以爲適然旣而夢夫子手授

氏姓譜

卷七十九

七陽

黃氏

今

所較六經字畫如新由是深有感發始悟曩昔所解多狗舊說爲非是乃作思古吟十章極言聖人德容之盛上達文王周公秩滿歸閉門授徒以養親不復仕嘗謂去聖人久遠經籍殘闕傳注家率多傳會近世儒者又各以才識求之故議論雖多而經旨愈晦必積誠研精有所悟入然後可窺見聖人之本乃揭六經中疑議千有餘條以示學者學士李洞奉使過九江願執弟子禮受一經澤謝曰以君之才較耆歲之功何經不可明然不過筆授其義已耳若余則當百艱萬苦之餘乃能有見吾非郇子不敢以二十年林下期君也洞歎息去或問澤自悶如此寧無不傳之懼曰聖經興廢上闕天運豈區區人力所致邪後家貧且老不復能教授歲大祲家人采木實草根以療飢澤晏然曾不動其意惟以聖人之心不明而經學失傳若已有

罪爲大戚至正六年卒年八十七其書存者僅十二三云  
**黃鎮成**字元鎮福建邵武人年弱冠卽厭棄榮利延祐初  
再試有司不合遂周覽楚漢名山流連燕趙齊魯之墟浮  
海而返築室城南顏曰南田耕舍慨然以聖賢道學自力  
著尙書通考十卷凡名物度數與夫七政九疇六宗五禮  
方州之貢賦水土律呂之長短忽微皆著其說說有未盡  
復系以圖彙集諸家而折衷以己意文宗天歷三年書成  
執政者薦爲江西路儒學提舉祿不及而卒年七十有五  
集賢議諡曰貞文處士又著周易通義中庸章旨性理發  
蒙等書自號存存子其詩名秋聲集十卷

**黃潛**字晉卿婺州義烏人母童氏夢大星墜懷有娠歷二  
十四月始生潛比成童授以書詩不一月成誦道長以文  
名於四方延祐開科登進士授台州寧海丞縣地瀕塩塲

氏姓譜

卷七十九

七陽

黃氏

全

亭戶恃不統於有司好凌轍鄉井編戶隸漕司及財賦府  
者尤驕橫潛一繩之法吏怵以利害弗顧也文宗至順初  
入爲應奉翰林文字轉國子博士視弟子如朋交未始以  
師道自尊輕納人拜時欲增設禮殿配位四配位令東坐  
西向學官或議分置左右同列不敢爭潛獨面折之事乃  
止尋提舉江浙儒學每月俸不給恒鬻產以佐其費年六  
十七亟請納祿歸俄除翰林直學士兼經筵官執經進講  
者三十有二言多直切帝嘉其忠轉侍講學士累章乞休  
不俟報竟去帝遣使追還復留爲前官未幾堅謝病歸優  
游田里者數年卒年八十一追封江夏郡公諡文獻潛素  
行挺立歷仕五朝巍然以斯文爲己任足不登鉅公勢人  
門一時服其介節爲文頃刻數百言剖析經史疑義及古  
今因革制度名物之屬旁引曲證多先儒所未發臨川危

素稱其布置謹嚴俯仰雍容不大聲色譬之澄湖不波一碧萬頃蛟龍百怪潛伏不動而淵然之光自弗可犯著日損齋彙三十三卷義烏志七卷筆記一卷邑人立祠祀之

**黃冠然**字立道天台人幼有高志嘗往來王柏門下得聞性理之旨尤深於易恨朱子本義欲再修而未及乃參會互考采之先儒以盡其變本之經義以斂其歸作周易通義二十卷又以讀易之法當先推卦義以求六爻之情情有難通則參以象象有難通則參以位位有難通則參以三百八十四爻之例別爲發例三卷或問釋蒙各五卷兩與鄉貢宋亡遂不仕築西清道院居之世祖嘉其節賜諡康敏

**黃景昌**字明遠浦江人通尚書春秋之旨嘗言自公穀口說相傳至漢然後著之竹帛故經有脫編有錯簡學者上

氏姓譜

卷七十九

七陽

黃氏

全

畏聖經下避賢傳訛舛誣漏莫之敢較其春秋公穀舉傳論及三代用正日夜食之辨凜凜不可屈後得巴川陽恪春秋考正一卷言三代悉用夏時不改月數景昌明其不然作周正如傳考二卷謂周改月並改時左傳去夫子時近當如傳所云也

**黃清老**字子肅邵武人天資英敏五歲日記數千言泰定中成進士由編修出爲湖廣儒學提舉時人重其學行號樵水先生著春秋經旨四書一貫數十卷詩各樵川集

**黃玠**字伯成定海人幼勵志操博洽無不通隱居教授孝養二親遠近聞其名爭迎致之晚年樂吳興山水之勝卜築弁山自號弁山小隱有知非稿纂韻錄唐詩選行世

**黃庚**字星甫天台人嘗入詩社試枕易題推第一所著有月屋漫稿其自序曰僕齟齬時習舉子業不暇爲詩自科

目廢始得脫屣塲屋放浪湖海凡平生豪邁之氣盡發而爲詩若醜雞之出甕天坎蛙之出蹠溲而遊江湖也其風致清遠用意推敲不媿騷壇領袖

**黃公望**字子久常熟人幼習神童科通百氏說旁曉諸藝酷好漢唐以來筆墨善畫山水師董巨源運思落筆氣韻流動晚年變其法自成一家山頂多岩石別出人意表後至元中江浙廉訪使徐琰辟爲書佐以罪逃去爲黃冠教授吳越談儒墨黃老以口辯屈人更名堅號一峯每作一圖輒廢寢食忘應對又自稱大癡道人放浪江湖年八十餘卒有畫訣傳世

**黃路**字仲先臨川人至正八年進士以求援出遇官軍護之入洪都時洪都亦被圍及圍解乃還與民安圖招諭叛境過建昌之高坪遇賊正衣冠怒罵遂爲所害

氏姓譜

卷七十九

七陽

黃氏

金

**黃**撫州人素勇敢每接戰獨以身當敵嘗爲數十人所圍能奮身躍出至是身中數十鎗噴血死

**黃**字殷士撫州金谿人博學明經尤長於詩賦至正十七年用丞相太平薦授淮南行省照磨歷官國子監丞改翰林待制兼國史院編修官二十八年京城旣破呼歎曰我以儒致身累蒙國恩爲胄子師代言禁林今縱不我戮何面目見天下士乎遂赴井死有詩文傳於世

**黃**建昌人五歲遭亂失母稍長誓天願求母所在乃渡江涉淮行乞往至汝州梁縣春店得其母以歸

**黃**字止敬臨江人父君道延祐間求官京師時贊年尙幼及長聞父娶後妻居永平往省之則沒已三年矣庶母聞贊來盡挾其貲更嫁拒不見贊贊號哭語人曰吾之來爲省父也今不幸父沒思奉其柩歸而究之莫知其處苟

得示以葬所死且不恨尙忍利財物邪久之聞庶母居海濱亟裹糧往復拒不納庶母之弟憐之與偕至永平求父墓又弗得贊哭禱於神一夕夢老父以杖指葬處曰見片磚卽可得明日卽其地求之庶母之弟曰是已歛時有某物可驗啟朽棺負父骨以歸

**黃道** 泉州人適母無子道賢在襁褓而生母以疾去旣長思念生母屢請於父名之歸竭力養二母得其歡心父病篤晝夜奉湯藥遍求良醫莫效乃夜禱於天願減已一紀之算以益父壽其疾遂愈後父沒果符一紀之數道賢居喪盡禮負土築墳廬墓側蔬食終制後至元二年表曰孝子黃氏之門

**黃道** 字均端安仁人幼博學以詩鳴於時後身陷賊庭爲詩寫志賊怒將及其腹圭曰腹可剖其心不可剖賊引

氏姓譜

卷七十九

七陽

黃氏

論

雖欲刺其心圭曰心可滅吾心之正氣不可滅賊寸磔之莫敢速翊請行豪樹柵自固翊命拔去惡少年數十輩譁而出翊叱曰汝主自殺人何與爾事顧甘同滅族耶挺身呼而入豪知勢威出求解且誘以重賂翊佯諾之與俱來寘諸法僞漢陷江西將及郡郡二千石以下皆散走翊獨止孔子廟堂盜獲之知爲府掾強之使奉行文書翊曰我死卽死其能官於賊邪盜怒反接於樹歷一日意必自悔抽刀礪其頸翊大罵甚於初賊乃砍其首而去

**黃道** 灝之裔少好學讀書於白鹿洞至元間舉進士爲廣東惠州學錄後陞道源書院山長元季兵變隱居不仕自號節庵有詩集三十卷

**黃道** 安福人元季不仕嘗輯濂洛關建諸儒之言如朱

子成書行世

**黃鼎** 邕州路總管建學育才一新州治有化民成俗之效郡民頌其德不忘

**黃升** 長汀人自幼得道法錢沉水中者呼之即出又能以汞於日中運氣煉之即成白金有蔡道人死升為棺殯後遣書與升云在崆山相候升往見之曰吾向詩有文字在墻隙間汝歸誦之忽不見升得其文字者是能役鬼神後尸解

**葛洪** 弟子或云葛洪之隸洪既仙去留丹於羅浮山桂石間野人得一粒服之遂如地行仙常在人世人或

氏姓譜

卷七十九

七陽 黃氏

金

氏姓譜卷七十九終

